


文苑英華

六百一至  
六百十



|      |     |      |    |
|------|-----|------|----|
| 庫文閣内 |     |      |    |
| 函    | 冊   | 號    | 類  |
| 四    | 一〇〇 | 三七二六 | 漢書 |
| 四    | 九   |      |    |

|      |     |      |    |
|------|-----|------|----|
| 庫文閣内 |     |      |    |
| 函    | 冊   | 號    | 類  |
| 三六   | 一〇〇 | 三七二六 | 漢書 |
| 二    | 一   |      |    |

|      |            |
|------|------------|
| 内閣文庫 |            |
| 番號   | 漢 3726     |
| 冊數   | 100 ( 61 ) |
| 函號   | 361 53     |



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





英華卷第六百一

陳情一 陳情表二卷英華所編  
失年代先後今正之

陳情表一首

為人陳情表一首

陳情表一首

為水潦災異陳情表一首

為任虛白陳情表一首

陳情表一首

陳情表三首

初至益州上訖陳情表一首

辭上滑州刺史陳情表一首

表四十九

淺草文庫



為崔僕射陳情表一首

代高尚書陳情表一首

為趙侍郎陳情表一首

陳情表 陳文 帝時

沈炯

臣嬰生不幸弱冠而孤母英華非 諸非子零丁兄弟相長謹身

為養仕不擇官承襲朝命偶在亂世一作宦成梁 朝命存亂世冒危履

險自死輕生妻息誅夷昆季屠冥 一作滅但餘老母一作餘 臣母子

得逢興運臣母妾劉今年八十有一臣叔母妾丘七十有

五私一作 臣門弟姪故自無人妾丘兒孫又久亡滅兩家侍

養餘臣一人前帝知臣之孤執眷臣以州里不欲使頓居

草萊又復矜臣温清所以一年之內再三休沐臣之屢

丹款頻冒宸鑒非欲苟避一作 建朝廷遠離畿輦一者以年

將六十四湯火居心每跪讀家書前懼後喜温枕扇席無

復成童二者職居彝憲邦之司直若自虧身禮何問國章

前德綢繆始許哀放內侍近臣多悉此者正以選賢與能

廣求明哲越起荏苒未始取才而上玄降戾奄至今日德

音在耳墳土遽乾悠悠皇天哀此困一作 悶極兼臣私心煎

切彌迫近時悽悽之祈轉忘塵觸伏惟陛下睿德聰明嗣

興下武刑于四海弘此孝治寸管求天仰歸帳一作 帷哀有

感必應實望明時一作 聖明特乞霈然申其私禮則王者之德

覃及無方矧彼翔沈孰非涵養云

為人陳情表

陳子昂



臣某言臣門衰祚薄少遭險疊行年三歲嚴父早亡慈母鞠育哀惻相養臣又疴羸少多疾病集作疹零丁孤苦僅得

成人老母愍一作憫臣孤薄恐不能負荷教誨師氏訓以義

方家貧無資績紡集作紡績以給束修衣褐並出母指臣既無

姊妹寡有兄弟衡門獨立惟形與影母子相視惻惻靡依

惟此艱虞歷二十載臣稍以成立忝跡朝班薄祿微資始

期色養私情獲遂集作既獲母子同集作相歡殃罰不圖老母見

背攀號何及泣血漣漣于時日月非便集作宜權殯京兆歲

序速遷於今若干年臣本貫河東墳隧無改先人丘壠桑

梓猶存而老集作亡母客居未歸舊土宿草滋蔓集作成列拱

荒涼興言感傷增以崩咽今卜居宅兆將入舊塋明年

辰最是良便過於此際未有尅期臣謬齒王人職在驅

今歲奉使已至居延單行虜廷絕漠千里臣雖萬死無答

鴻恩恐先朝露有負老母集作眷知伏惟陛下仁隱自天孝思

在物哀臣孤苦降鑒幽微集作冥使臣來年得營葬具且斬

草舊域合骨先墳保送羈靈獲申子道烏鳥之志已集作獲

遂私情遷舉事終集作遷定事畢馳影奔赴雖其集作即殞歿甘心

無恨集作感云云

陳情表 高宗

員半千

臣某言臣貧窮孤露家資不滿千錢乳杖藜糗朝夕纔充

一飯有田三十畝有粟五十石聞陛下封神嶽舉英才唐書

作豪英一作英才貨賣以充糧食奔走而歸帝里京官九品無瓜



葛之親立身三十有餘志懷松柏之操不能糴賤販貴取  
利於錐刀卧酒隻雞求舉將何以辨投匭進欵奉勅送天  
官捧以當心似懸龍鏡家之以守若戴鼇山於今立身未  
蒙一任臣恨不能益國死將以選地不賜臣一職剖判疑  
滯移風易俗以報陛下深恩若使臣平章軍國燮理陰陽  
臣不如稷契若使臣十年成賦一代稱美臣不如左太冲  
若使臣荷戈出戰除克去逆臣不如李廣若使臣七步成  
文一定無改臣不愧子建若使臣飛書走檄援筆立成臣  
不愧枚臯陛下何惜玉階前方寸地不使臣披露肝膽抑  
揚辭翰請陛下召天下才子三五千人與臣同試詩策判  
牋表論勒字數定一人在前疑作先者陛下斬臣頭粉臣  
骨懸於都市以謝天下才子望陛下收臣才與臣官如  
臣芻蕘之言一辭一句敢陳於玉階之前如棄臣微見即  
燒詩書焚筆硯獨坐幽巖看陛下召得何人舉得何士無  
任鬱結之至

為水潦災異陳情表

武后

李嶠

臣嶠言臣聞明主程才先求於稱職忠臣効用必務於量  
已然後庶官無廢百度以康若使假鳳登朝真龍不馭將  
緣鶴之鼎方憂於折足和鸞之駕必誠於傾軛豈徒鍾鼓  
生祆蠻夷起笑而已臣瓶筭賤器駑蹇輕姿同鼯鼠之五  
伎不成異飛鴻之六翮兼備遭逢幸會累叨階級陛下降  
非常之澤垂不次之恩昇之冢司握九流之銓管委以樞



近叅萬幾之損益傳說作舟之命徒奉箴規仲山補衮之  
談曾微答効致令衡鏡失序紀綱不張官僚日僧府庫歲  
減謬職之謗或譏於畫武續貂敗官之尤有議於道盧吠

鵠韓盧宋大名  
鵠或作鵠非下生朝野之嘉上悖陰陽之和水潦為災

慮深於昏墊黎氓失稔憂在於溝壑軫皇情於南面墜國  
庾於西成虧燮理之則失平分之度推其咎戾實在微臣

昔者堯逢阻饑而四岳咨訪漢遇災異而三公策免舉遺  
才而求俊又退不肖而清庶官厥有由來著于古昔臣緝

熙莫効尸曠無成以擁腫之凡材抱支離之痼疾久懷致  
寇之祿猶帶妨官之綬覲目而視不遑自安是用啓處慚

惶寢與誠惕思解鷓鴣之服願辭鸚鵡之行庶得保愚公  
之廬避賢者之路以寧衆口之囂謗以答三靈之譴咎

物情朝序誰不謂宜昔干木辭第恒思衛生營平寢瘵不  
忘憂國當今兵戎未靜費務方多人庶空虛官僚苟且不

可不深為防慮妙思政術臣銜恩佩德念咎慙榮雖智効  
無聞自甘於罷黜而庸短所見猶樂於輸畫不勝區區之

意謹昧死陳利害事一封幸當明主不諱之朝敢効愚臣  
無隱之節倘蒙赦其狂直收其固陋乃冀有益纖芥効添

山海無任悚懼懇誠之至謹詣朝堂奉表陳情以聞  
為任虛白陳情表 吳少微

臣某言臣亡父某昔在聖朝累蒙進任丞登麟閣續校秘  
文衛迹鳳池翊謀神化內陳青瑣之拜出有朱輪之寵何



其休哉而恩榮未報豐禍潛起闔門而就拘連頸而待戮  
陛下發雲輅一作雲霓之彩迴霜電之威捨過好生全棄

嶺表一蒙渙汗欣借命之恩萬里奔波無乞骸之望竄身

邊裔皓首荒隅以臨年之危坐炎方之瘴雖欲勿死其可

得乎遠謝闕庭奄先泉路旅襯期朽今猶未還興言血下

號懼交集臣某中謝陛下通天之歲復降恩勅追魏某崔

某及臣亡父等赴都元忠或入處台相出臨藩牧門庭累

軒組之榮妻子厭梁錦之美其李乙雖死亦蒙贈官子某

又登微一作顯職惟臣一門之內存亡俱不霑恩臣之不天

亦胡顏上訴然比生則孤臣豈敢同死則存李獨優皇天

事分豈其偏施伏惟皇帝陛下惠育羣生無幽不燭臣之

孤苦皇天所鑒在關中宇宙雖廣無一塵之

地弟妹幼稚絕在關中宇宙雖廣無一塵之樞雙魂未遑安厝臣所以鯁

情割懇忍而未死此耳倘雲雨之賜復潤無私則

有歸來之覓北之位臣之罪也不任崩迫之至

謹奉表以聞輕觸宮伏知待罪

陳情表 玄宗

張文成 開元初

萬死糞土臣文成言臣忝朝班幸蒙驅策不了一使罪應

至死自可鉗口吞聲伏待刑書灰身粉骨其從斧鉞豈可

昆蟲惜命雀鼠貪生區區微心有所未盡臣平生好學頗

愛文章雖不逮於詞人濫流傳於視草近來撰集詩賦表

記等若干卷編集擬進繕寫未周負謹明時方從極典恐



士衡止息華亭之嘆不聞稽康顧影廣陵之音未絕缺簡  
零落抱痛幽泉昔司馬遷請就腐刑以終史記漢武帝數  
其至懇矜而許之伏願陛下遂臣萬請之心寬臣百日之  
命集錄繕寫奉進闕庭微願獲申就死無恨然則歸罪廷  
尉肆諸市朝腰領橫分有同仙化一作危肝腦塗地百代如  
生骸骨埋塵千載不朽無任迫切之至

陳情表

已見五百七十九卷

張說

第二表

已見五百七十九卷

前人

同前

蘇頌

臣某言臣伏奉今月十三日制鑾駕閏九月十日幸長安  
陛下東封禮還西賓係望願願品物不獨耆老屬書  
率璋時邁制書爰降懇願咸達相聚忻躍不知所救  
誼路衢聲溢歌頌若臣者奉辭軒屋縈疾鎬京常恐先大  
馬填溝壑朝聞既獲瞑目猶生臣某誠歡誠喜頓首頓首  
死罪死罪臣彌曠旬深官曹事缺乞解見職罄陳前表又  
伏奉今月五日勅以番司務閑不妨醫療所請辭官不須  
者臣志不動天身何容地周章慙悸惶駭戰慄退則恩被  
羽翼德均造化臣之不敢止也進則匍匐罕遂支羸蕭然  
臣之不能任也臣所進退失守涕洟嗚咽宜其重請骸骨  
豈可虛榮省署竊以鴻私俾療成貸特矜日夜翹清蹕之  
途炎涼近素秋之節臣希眇視跛履手之足之覬憑渥以  
還寬輒延慈而待罪不勝悚踴怖懼之切謹附起居使朝



議郎右補闕內供奉臣李鄰奉表以聞臣無任

初至益州上訖陳情表

前人

臣某言奉辭闕庭馳詣州府以某月日上訖臣某中謝臣  
稟識愚妄受恩忝越十有四年中書省三命承明廬臣竊  
比方倍逾於是特編皇揆不以人進久於近密衆莫過臣  
厚施如丘山微功罕絲髮遂叨宰弼莫允瞻望心慮何補  
血誠徒勤陛下深慈矜愚至德念舊以臣頗習儒訓更超  
宗伯臣益用慙負匪違底寧豈悟西南重鎮巴蜀粵壤爰  
雜縣道且聯軍戎付臣兼之才實不逮審疑作竊自能省  
經聞徹誠謂憑威可盡力諭指期致命臣敢辭事誰云  
忠及當官而行臨事益懼者竟乏邊鄙之筭倘貽朝  
不其於靜人蠲役懲吏抑強惟國之政庶臣能勉流涕  
漣而嗚咽玄鷲辭巢而顧慕况若臣者最蒙聖渥雲山萬  
里霄漢獨遠載惕拜章六圖無任

辭上滑州刺史陳情表

李邕

臣某言臣素無藝能積負訕謗衆口之多自可銷金怨讐  
之心每堪殞首伏惟陛下至明大聖察之纖微淳德上仁  
洗之瑕穢山川納者不擇薰膾天地覆之是霑雨露且久  
荷惠渥大底官榮今臣蒙國用累及軀命事出涯分之外  
恩加父母之深已逝之竟復歸朽質既存之地更忝高班  
雖欲殺身未能報德彌慚持祿有以保名秋鷲將辭必徘徊  
於大厦老馬離秣終顧步於華軒况臣今茲六十有七



光陰荏苒行止歎危就木之時未知幾日懸車之歲僅有  
三年不任遠涕戀之至

爲崔僕射陳情表

代宗

于邵

臣某言臣聞行師命將必先保大服戎共武方議膚公所  
以協和軍蒐戡定時難伏惟寶應元聖文武皇帝陛下誕  
膺天命以撫方夏洪惟眷圖用征不惠上敬天授下咨人  
力則殊方異俗罔不率俾蠢茲西戎猶肆逆命勞我薄伐  
示人有征夷不亂華自宜殄滅盈不可久神亦禍淫天之  
道也臣近得上都所由報狀伏承受相府元帥之寄領漁  
陽突騎之衆分邠土鎮守之師內無所疑外無所怨上讓  
下統禮合義均不爲身謀同獎王室此皆陛下明爲元首  
德洽蓋臣夷吾必知甘共小大孔明遂均於魚水不然  
德度力偶俱無猜以此討戎何戎不滅以此論道何道不  
平臣蒙國寵靈榮加九族功慙白馬位達綠車每承聖敬  
日躋輒願殺身是効今日之會實契丹誠無任感時悃欵  
之至謹遣某官奉表陳情以聞

代高尚書陳情表

臣某言臣本凡才智畧無取因緣際會驟歷班榮分闔尹  
京實爲塵忝頃者鳳翔之日蕃漢憑陵臣嘗激勵羗渾竟  
勦戎虜方將席卷永息邊虞旋奉德音遽令入奏微誠莫  
展殃譽已鍾痛骨摧心載崩載咽荼毒未幾起復舊官累  
表陳乞不蒙允許及大戎構禍憑凌京城陛下授臣檢校



刑部尚書都知元帥中軍兵馬使雖承恩命未有軍行麾下之人纔盈數騎空懷赴難莫克使綏仰天惟心伏增憤激不踰信宿便屬蒼黃未知鸞駕東巡且欲荆襄陪扈累遭剽掠始達藍田更逢子儀留臣計事招集亡散共收上都比至入城又奏臣住奔波險阻契闊山川進慙將帥之臣退羞羈縶之僕顧惟狼狽寢寐兢惶臣某誠惶誠恐稽首頓首死罪死罪今又亡母在殯欲紉舊瑩先遠戒期正當此月干戈之際寇盜為虞小有不安永負生疑作母願終子道以奉亡靈倘封樹有成雖殞越無恨伏望許臣畢事之日得令奔走陝郊碎首行間甘心罪責無任兢惕屏營之至

為趙侍郎陳情表

臣某言臣以固陋累蒙獎擢猥廁朝列與羣賢並始自給事驟遷侍郎贊貳冬官典司邦教屬師旅之後庶政從權會府舊章多所曠廢惟禮部兵部度支職務尚存頗同往昔餘曹空閒案牘全稀一飯而歸竟日無事此臣所以寢興長想俛仰增慙何則受恩至深報德無所未裨毫髮虛費稻粱伏以人君命官期於述職人臣量力不叨非據寧有食君上之祿為保妻子之謀臣內顧塵忝尤增愧懼頃陛下躬決庶務萬方不言而理遠近承式幸當天下無事未敢上塵其愚今承嗣背德阻兵全魏靈曜失道謀亂大梁大戎為患德虜伺隙雖禍盈惡稔終冀梟夷而調兵轉



粟在彼疲弊乃羣下憂國之日微臣赴難之秋况諸道牧  
守闕人頗眾是敢不揆薄劣特析任使如或領一郡或統  
數城綏懷將卒招復逃散近當狂寇俯制奔衝必使人業  
耕桑盜無充斥昔子建之表愁求自試充國之對無踰老  
臣豈徒冒寵干榮實欲酬恩立節臣年甫知命筋力猶強  
策勵鴛蹇庶成萬一無任懇悃迫切之至

文苑英華卷第六百一

表五十一

陳情二 自叙

為河南魏尹謝官陳情表一首

劉相請女婿潘炎罷元帥判官陳情表一首

謝試秘書少監陳情表一首

為崔大夫陳情表一首

為王戶部叔文陳情表一首

為崔相陳情表一首

為僕陽公陳情表一首

自叙表一首

出官後自叙表一首



為河南魏尹謝官陳情表

代宗

常袞

廣德元年

臣少遊言伏奉恩制除某州刺史尋即有替又蒙恩除臣

河南

唐書作京兆是

尹澤及選荒榮枯朽以驚以惕載忭載歡

臣少遊誠歡誠喜頓首頓首臣名無德稱官偶時來政謝

有經文慙無害朝恩早竊班合累塵每食皆浮何官不曠

四三年內榮至崇高萬一分中効仍微薄踰涯若此招損

宜然頃者獲罪于天躋身無地曲承鴻霈仍佐隼旟省揆

責輕寢興憂負豈圖招洗瑕穢發生羽毛不次之恩九霄

橫落無階之位四裔超登開散皇明龍銜巨燭捧酬玄造

齧戴崇山且河洛軍興

疑作興

京尹寄切念臣術非鈞鉅識

昧平反將何以肅清姦回董正一人吏自蒙獎擢願觀天

以阻脩未承勅命傳聞尚感

疑作感

奔赴終勤以七月丁

日發自渠州星言即露久冒

瘴因成痼疴行役支離

加沉瘵隙光是迫草露將危今月四日乘輿至漢中尋問

醫藥直省王許佺至奉宣進卜促臣行程震威俯臨精蒐

飛散進退無措屏營失圖即以今日驅策殘骸載馳鳳閣

猶冀獲全餘喘祇謁龍顏犬馬之疾久纏螻蟻之誠愈結

無任感戴懇迫之至謹因直省王許佺迴謹奉表陳謝以

聞臣少遊誠惶誠恐頓首頓首謹言

劉相請女婿潘炎罷元帥判官陳情表

代宗

王諫

臣晏言臣實允淺謬典樞衡元元未安庶政多闕消塵罕



錄尸素空慙臣女婿元帥判官臣駕部員外郎知制誥潘炎  
入侍幃幄又司戎政嫌疑之地鎮沛是憂頃者累表陳聞  
冀炎得歸省闈不謂天聽未達尚阻愚誠內懷氷炭若墜  
泉谷臣某誠惶誠恐臣聞統天下者以天下舉直錯在不  
私其親故能啓至公之門塞羣邪之路伏惟元聖文武皇  
帝陛下紹休聖緒惟新寶曆內釐百揆外清四海鷓鴣之  
士充庭漸階而臣與潘炎俱忝近密兵權國政在臣二人  
是使惡炎者易爲辭嫉臣者勿爲毀倘炎獲戾臣無以見  
雪脫臣遇謗炎無以自明此臣所以寤寐兢惶罔知攸止  
昔霍光爲大司馬長女婿度還將軍范明友次女婿羽林  
監任勝爲東西宮衛尉威勢宗重冠於一時不能抑退不  
見傾覆前史所惡書而貶之又劉弘爲鎮南將軍事恃功  
廷以其女婿夏侯陟爲襄陽太子弘表陟親戚舊制不  
許弘弟從竟免禍敗先賢所尚美而書之臣雖才謝  
古人智不經遠每憂覆餗大懼妨賢竊惟瓜李之嫌寧望  
桑蔭之許一作許今是以瀝肝上請昧死聞天必元帥潘炎  
諮謀則臣其引退如或廟堂留臣擇用伏願終許罷炎庶  
遂劉弘之心無成子孟之禍無任懇願迫切之至

謝試秘書少監陳情表

蕭華

臣某言伏奉制書以臣試秘書少監恩出意表榮超望外  
臣循涯揣分以慙以悚臣華謝臣素庸懦又乏智謀進  
不能殺身以自明退不能拂衣謝遠楫蒙昧昏虐僥倖歲



時每讀李陵之書備見前賢之意以爲虛死不如立節成名不如報德常恐湓先大馬湮沒羯胡上負君親之恩下貽妻子之耻何嘗不仰南雲而歎息瞻北闕而銷魂偷生苟安蓋所以誓將骸骨歸死朝廷伏賴陛下察以愚衷每垂保護遂得潛通間使遠詣官軍收金州而功不踰時掃餘孽而兵無血刃陛下矜臣一介之節捨臣萬死之罪念臣簪履之舊納臣葵藿之誠許歸故國之田園退守先人之墳墓則在臣之志願榮望畢矣陛下之聖恩於臣深矣豈期皇慈廣被玄造曲成拔臣於泥滓之中致臣於雲霄之上已蒙殊獎遽典雄藩旋沐厚恩復登蓬閣空慙有命竊愧無能將何以發揮儒林潤色鴻葉稠疊恩意感

勝豈臣隕越所能上報無任悚荷屏營之至

爲崔大夫陳情表

代宗

李舟

臣某言臣素以庸虛百無所取肅宗委臣方面擢尹兩京蓋以天寶末年祿山干命臣未有職位客遊陳州賊兵過河官吏奔竄臣義集驍勇亟摧賊鋒以閭閻之人當幽薊之卒勢相懸倍不顧死亡臣之輕生實著誠素今者廻紇代立求援聖朝陛下大布皇威如其用禮爰膺將命實受寵光又其道路無虞夏一作虜帳尤近擁旄仗節持憲耳貂銜非常之詔書寵內附之蕃落去獲重貺歸成大勲雖潦倒之人衰朽之士亦宜擡鞍增氣叱馭前驅况臣常在軍戎未至遲暮豈不欲保微臣之富貴求陛下之恩私哉其



文苑英華 卷一百一十三  
理必至顛沛必至廢闕隱而不露何以事君臣往在宣州  
曾卒得癘疾三日三夜都不知人自此已來發無時候或  
輕或重或疾或遲此病所來得於風熱常因冒暑失食及  
冬衣太溫兼食羊肉立即發動若過積之後更無菜蔬苦  
寒之地須加孤貂又於藥物不得及時則微臣不得全活  
且螻蟻之命誠何足言但恐敗事有失前期稽恩廢禮伏  
願陛下以臣此表偏訪朝臣言若涉虛事近辭避伏願加  
以斧鑕肆諸市朝且使將來未息欺詐無任哀懇迫切之  
至

為王戶部叔文陳情表

柳宗元

臣某言臣母劉氏今月十三日忽患暗集作音風發動狀候  
非常今雖似退猶甚虛憒驚惶憂苦不知所圖臣惟一身  
更無兄弟侍疾嘗藥難闕須臾伏乞聖恩停臣所職今臣  
見在家扶持其官吏等並已發遣訖臣以庸微特承顧遇  
拔自卑品委以劇司夙夜驚惶惟思答効至誠至懇天矜  
所知豈慮未効消塵遽迫方寸以開塞重輕之務加焦勞  
皇集作憂惕之懷雖欲徇公無由枉志况忠孝同道臣子一  
心許國誠切於死生報親忍志於顧復進退窮蹙昧死上  
陳候毋劉氏疾疢小廖冀微臣驚蹇再効無任惶懼懇倒  
哀鳴類表作之至

為崔相陳情表

白居易

臣植言臣有情事久未敢言今輒陳露伏增戰 臣亡父



某官亡妣某氏是臣本生亡伯某官某贈某官臣今承後  
建中初德宗皇帝念臣亡伯位高無後以猶子之義命臣  
繼紹仍賜臣名嗣襲雖移孝思則在上荷君命俾集作未承  
繼絕之宗中奪私恩遂阻劬勞之報歲月曠久情禮莫申  
自去年以來累有慶澤凡在朝列再蒙追榮或有陳乞皆  
許廻授况臣猥當寵擢謬陟台階爵祿之榮實有踰於同  
輩顯揚之命獨未及於先人飲泣茹悲哀慙兩極臣今請  
以在身官秩并前後合叙勲封特乞聖慈廻充追贈倘允  
所請無幸於斯則臣烏鳥之心猶再生而展養犬馬之力  
誓萬死以酬恩踏地仰天不勝感咽披陳誠懇煩黷宸  
無任惶懼激切之至謹奉表陳露以聞

為濮陽公陳情表

李商隱

臣某言臣聞事君以忠者所宜効死食君之祿者亦戒妨

賢苟非內慊私誠外憂官謗則安肯固辭武節強委侯集

信圭拒七命賜國之榮捨萬里封侯之策必知不可安敢

無言臣其中謝臣因緣代業遭逢集作遇聖時竊常集作嘗有

志四方不掃一室奉隋武之家事無愧陳辭慕鄧傳之門

風不傷清議屬者每憂不試深耻因媒自薦之書朝投象

魏殊常之澤暮降芸香其後契濶星霜羈離戎旅從軍王

粲徒感所知掌檄陳琳亦常交辟呂元膺東周保釐之日

李師古太平畔集作叛渙之時潛入其徒盈於留邸臣此時

尚持白簡猶着青袍元膺知臣傳劔論兵本於仁信佩鞬



挿羽亦識孤虛俾以發姦假之捕盜幸無容忍以及焚巢  
旋帶銀章俄分竹使隼旟楚峽出以分憂熊軾鄖城忽然  
通貴豈意復踰五嶺更授再麾中門叨相青宮忝司緹騎  
纒通閨籍又處藩條越井朝臺備經艱險貪泉滇水益勵  
平生是甘馬革之言常懼武皮之誚及聖造遠流南極許  
拱北辰黃犢留官胡牀掛柱如生羽翼若出嬰羅誓以歸  
彼冗員處之散地俄以朝那闕守昆壤須人一去闕庭五  
雁寒燠處京畿五百里之內控番寇數十州之多提鼓燒  
烽增埤濬洫雖國家遠追集作上策不事交爭然虵豕難  
防犬羊易縱苟罷嚴徹警則負約渝盟臣自受命以來爲  
日斯久未嘗一日不修戰格未嘗一日不數軍儲使士有  
鬪心人無虛額使之偵候咸亦聞知尚未能率勵驍雄  
磨鋒鏑遠收麻壘直取艾亭成大朝經武之威畢微臣報  
主之分可書竹帛不辱旂常蓋以久處炎荒備薰瘴毒內  
搖心力外耗筋骸雖馬援據鞍尚能矍鑠而班超攬鏡不  
覺蕭衰恐無以早就大功久當重任自思已熟求退爲宜  
伏惟皇帝陛下道冠百王功高三代照臨若日覆露如天  
况今國不乏人特稱多士有才畧在臣之右齒髮少臣之  
年俾代處是邦迺臨斯位以之責効誰曰不然俾前達後  
生皆無蔽滯由中及外得以交相成陛下適時之方減微  
臣固寵之責臣不勝祈恩懇迫之至謹差某官某奉表以  
聞



自叙表

李嶠

臣嶠言奉今月十七日口勅令臣等各自述行能進者臣以蒙鄙遭逢休歷陛下非常之遇垂不次之恩擢處崇班超登近侍上感皇明識遇之厚下憂忝冒負乘之責常願肝腦塗地以報所天寃魄歸泉不忘結草至於欲披誠款曲盡智能竭心本朝輸力明主此臣日夜之所思念曾襟之所蓄積豈敢更爲進退苟事廉隅固守撝謙坐飾邊幅臣早遘凶閔素甘賤貧少纏羸疴不任勞苦從仕代饑寒之役徇祿無顯達之心脩身懼於辱先履道期於遠害見強禦之爲患也故處之以謙卑知刻薄之爲尤也故行之以仁恕慕退讓不敢從馳競之流戒貪殘不敢爲之犯若乃溫良誠信之道忠孝友悌之規莫不仰承聖訓俯蹈家訓采太平之名教移中人之志業及其屏私昵忘比周内無術數之機外絕朋附之黨一心奉主介然孤立此臣之所以登朝廷而事明聖全直道而勗身名者也夫臣事君有死無二見危則致其命當事則先其勞有罪不敢辭有能不敢隱是以西戎不靜充國自銜其謀南越未賓終軍思赴其難臣幸蒙採擇得備驅馳若使飾固陋之心竭駑蹇之用勉之以匪懈將之以至公則雖簿領百端樞衡衆務亦淺深而必効何難易之敢辭哉蓋明主程才以建官忠臣量已以受職是故輪轅異適水火殊用當其材則事逸而功倍乖其分則形勞而績虧陛下棄短收長



循名責實使得効其薄伎申其末用則臣之淺術可得而  
 言臣魯涉經典篤好文史漸六藝之腴潤馳百家之闡闕  
 至若操觚秉牘紀事屬辭雖竊比老彭誠未擬於先哲而  
 上追班馬敢自強於後進陛下以欽明撫運齊聖握圖冠  
 千齡而首出超百王而高視德澤汪濊典章明密至道共  
 八風俱翔神功與四時並運是以衆庶悅豫符瑞膺蟹九  
 服清夷百蠻職貢而嵩高粱父未循疑作修昭報之壇禮官  
 儒林不輯昇平之頌使鴻名有時而鬱良史靡得而稱臣  
 竊懼焉昔成康之隆頌聲並作武宣之盛文章間起虞德  
 茂而臯繇作歌魯道興而奚斯有述然後功業顯乎代德  
 膺昭乎聲若夫保叔中和憲章大雅通諷諭之旨行善  
 之懷此臣子之舊經國家之前式不可闕也臣幸得沐  
 恩造扶侍軒遲日覩邕熙心積憤蕙思陳愚瞽庶存萬一  
 徒以牽迫賤事卒卒無須臾之閑頓伏疋羸軋軋多沉滯  
 之恩常恐犯霧露填溝壑不獲贊揚上德攄布下情生為  
 負義之人死為孤恩之鬼是用終朝三省達夜九迴撫心  
 刻意屏營反側倘得參名芸閣假跡蓬山探石室之祕文  
 覽金版之遺籍聽歌探頌以觀四方之風講藝論詩以崇  
 三代之式第其科目載之簡編大以薦陳郊廟報享成功  
 小以敷布樂章潤色鴻業使宏勳播於金石盛德流乎舞  
 詠光濟於當日洋洋被於來葉然後退沒章澤下入幽泉猶  
 生之年也冒陳愚懇惟我陛下察焉臣嶠誠惶誠恐頓首



頌首

出官後自叙表 德宗

齊映

臣某言伏以臣之依君猶子之依父若心有憂患口不陳聞則是孤負恩慈自取禍敗臣某中謝臣去八月十九日陛下賜臣蔭官詔云漕運成功擢居東掖者臣俯慙光寵上感聖明粉骨糜軀匪中報効臣昨當都主運之日是上都關糧之時賊光未平蝗蟲方甚臣於河陰領米分付陝州務相催驅不敢迴避其時王事至切臣官最早臣心雖守謙恭公事亦多抵誤猶蒙陛下遣段日暹宣慰於臣處事之難臣有微功實由天庇及臣廷英對日不敢一言自陳怒臣者疑臣以張身勢憂臣者謂臣以投臆魅今臣受官自緣親累聖恩猶與上州自然宿怒未平因恐小人承便臣既在遠還固易誣誣則呼天實在今日憂之切者謹陳一端往者張鎰在鳳翔之時奏留都營田副使張信之得罪自為犯賊以臣不與往還於臣便生疑怨一昨秋夏之際張信之多在上都自臣貶黜已來不知今向何處但慮知臣在近又知執政在臣必恐求媚取容構虛逞怨倘有罪戾聞於聖聽乞降三司審推則臣萬死無恨方當黜責猶恃恩私仰望天顏實如咫尺無任憂迫恃恩之至







爲王左相請致仕表一首

爲閻大將軍乞致仕表

後周

庾信

臣某言臣聞禮云大夫七十致仕於朝傳家於子膳則貳  
珍衣稱時制臣自出身奉國四十餘年遭遇風雲從微至  
著太祖文皇帝扶危濟難奄有關河臣實無堪中涓從事  
自洛食風塵河梁旗鼓華陰有白馬之兵河曲有黃沙之  
陣臣雖用命不能竒策功薄賞厚因人成事恩澤年表常  
以愧心仰逢周朝以揖讓登庸謳歌受命主貴臣遷頻煩  
榮寵三槐以鑄鼎象物知其神姦五等以桓珪飾瑞守其  
宮室臣以何德兼而有之况復水土之職王梁以應讖受  
徵兵戈之王韓信以登壇獨拜語其連類臣又何人當今  
瀕海未寧三方鼎峙陛下勞心之日羣公展効之秋而臣  
甲子旣多耄年又及無叅賓客之事謬達諸侯之班尸祿  
素餐久紊彝典負乘致寇徒煩有司加以寒暑乖違節宣  
失序風水交侵菁華已竭雖復廉頗強飯馬援據鞍求欲  
報恩何能爲役榮啓期之樂適足自貽燭之武之言無能  
爲也特乞解所居官言從初服事符骸骨之請非謀几杖  
之賜若臣比陵移病東臯歸老山河茅社一反司勳公侯  
珪璧還封典瑞則朝無冒位之人臣免妨賢之責虞氏養  
老敢希東序之榮周朝如荼豈望西郊之禮但瞻仰天威  
方違咫尺徘徊城闕私增悽戀不任知止之情

云

代人乞致仕表

前人



臣邈言臣聞一葉將隕寧待於風露百川皆到自竭者潢  
汚臣輒感之以悲以咽臣某中謝臣仲春之末舊患漸加  
雙足頗蹇四支不利扶步有卬卽之失勉視無離婁之明  
安可率此留務溷茲恒典陛下恩周曲成未忍捐棄微臣  
困至於亟轉不堪勝臣所以自咎自傷淚繼之血臣某中  
謝臣特承先緒進不因人陛下憫臣無用舉直而有顛自  
奉圖太極宣綽中書陛下收臣於一心任臣以獨掌九年  
冀登宰輔八歲載踐宗伯出擁干旄入忝衡鏡或雲臺之  
上微臣預疇咨之旨或日觀之下詔臣操刊勒之文美而  
暢之臣實尤忝明憲不敢以纖負玄造竟微於滴助

其如米炭交集誠懷伏以前陪政事親荷

音謂臣等經侍軒墀子孫尚延保護臣荷螻蟻歎戴  
非丘山臣宜生亦盡命死且陳力竊不知終而不知止朝

列三數與臣同儕臣未六十推臣則幼獨臣彌當一作頓

頓病不俟年盈量窮涯滿而招損逾時每乖於勿藥未日

猶繫於苞桑覽分必然貪榮所忌伏乞免臣見職退畢餘

生察臣榮不可支矜臣分不能強廼臣之幸也豈悟仁壽

之闕有此一時承明之廬無緣再謁心神已弊畧刻增悲

叨睿鑒則多士莫先違聖顏則小臣何遠惟冀三條啓道

一作萬乘巡京悅西怨之羣黎遠東封之從者危菟倘駐

枯骨如存是臣之愜非臣所望臣又聞驅奔効駕先輟於

羸駘翔集智成近遺於鍛翻彼常知暮而况臣哉聞未遑

文苑英華 卷一百一十五 謝表 七



請臣之懇懇至於隳官臣合書罪無任戰慄懇結之至

為太僕卿新舊唐書劉弘基請致仕表 太宗

上官儀

臣某言臣輕生多幸早逢昌運締構之初得効駑蹇誠欵  
雖竭功績靡伸沐浴恩光謬叨榮級歷居近要出納隆顯  
顧循庸菲踰溢涯分思展塵露以酬洪造鏤骨銘肌無忘  
夙夜但犬馬之齒甲子已多風雨之疾昏耗日甚雖年非  
致事而力不當官簿領沉迷端緒紕繆久尸厚祿靦懼在  
躬內省愆尤外慙物議乞解見職退就衡門朽質餘生獲  
從藥療冀蒙渥澤未歸泉壤難預朝請瞻望闕庭葵藿微  
心方希臨照不任悃欵之至伏願天慈特垂矜許輕塵聽  
冀愈增震越 云

盧岐州請致仕表

臣某言竊以日月迅驅歎留侯之過隙桑榆易晏嗟趙孟  
之竭陰是以杖國之儀曩籍之通訓夜行之誠先達之明  
範臣三河素品一藝罕稱歛衽銜泌之間優游農仕之際  
特以雲雷肇構龍德在田遂得混吹齊庭薄遊梁苑昧昔  
賢之先覺慶生涯之嘉會屬大橫固祉獎澤荐臻同管蒯  
之靡遺喻衽席而無改叨竊非據綿歷歲時智能之効寂  
寥何紀伐擅以茲興刺濡翼由是致譏况乎時迫耄期識  
用衰耗仲宣體弱遽與年並修齡疾甚亦隨衰及范綏在  
飾深驚蒲柳之秋葆鬢承冠逾慙仁壽之鏡空貽謗毀坐



系官曹虛受之來履薄未均危懼知止之分餘生實所度  
幾披瀝丹愚諒非矯飾伏願大明委照曲遂今請退影閑  
扉待終初服倘弊帷未掩岱宗少駐擊壤高其自逸高枕  
歡其有餘望瑤池之還駕候仙問之歸躅臣筮仕聖朝位  
非才授會微涓滴少答鴻私收請骸骨心顏醜忤微臣限  
茲外任不獲拜奉闕庭大馬之戀徘徊何已

代劉幽州請致仕表

臣某言臣海所陋品業尚罕稱歛衽衡泌之間角巾人  
山野之際夙安環堵之室罔知榮進之階屬天步方難霸  
圖資始遂偶飛龍之會預參汗馬之期既而慶集私門恩  
被昆弟歷職內外備蒙選擢承乏三朝于茲三十餘載勉  
循歷髮之効空負亭育之私加以鍾漏已殫齒歷云暮

國之年斯及夜行之懼載深若勉茲衰遲久玷刺舉既取  
系於官曹抑貽誚於通識當今天地休明賢能方軌豈可  
以策鴛懷祿茹忤昧榮是以量力陳辭料能馮實天監凝  
遠特希憫照昔廣德休老方開漢室之恩陽元請骸空表  
晉朝之惠微臣竊景前懿敢祈今澤反初服於東臯沐薰  
風於窮巷倘高春少駐弊蓋未陳庶乎瑤池之曲延望白  
雲之宴仙問之阿載奉翠華之謁犬馬之志實百恒心臨  
表鯁戀辭意懇結云

為殿中監趙元楷請致仕表 上官儀

臣某言臣聞高年致政前徵之彝準仲秋授杖緜載之通







為姚大夫請致仕歸侍表

盧藏用

臣某言臣聞孝於親者然後可以忠於君理於家者然後可以移於國臣實妄庸叨奉明聖職在樞要切寄股肱恩非始圖榮絕流輩臣之殞身無以上答然臣老母今年八十有一起居漸廢齒髮日衰飲食朝晡非臣不膳寢興侍奉非臣不歡臣欲僂俛國朝則顧復無報臣欲歸養私第則聖澤不貲實類羝羊羸角方同狼跋其尾去歲陳乞初沐聖恩旋承後命不垂允納良由臣孝道衰廢至誠無感扣心泣血夙夜無寧臣自受北征絲歷旬月慈母銜泣朝夕倚閭寢膳不時重增羸耗臣子之道何以為心陛下聖澤遠覃中外無事彝倫攸叙俊乂盈朝臣之短才無所擇補伏願少垂矜察俯遂私恩許臣告歸之請終臣大馬之養然後麋軀粉骨上答天造奮身虜庭効命戎幙臣之萬死不敢為恨無任愚懇之至

為溫給事請致仕歸侍表

武后

崔融

臣某言臣以凡薄幸承基蔭一霑官侶三十餘年為子未能報鞠育之恩為臣未能答生成之惠公私覩冒夙夜驚惶久欲退奉家園以避賢路直以大馬識戀木石感恩猶希罄竭未即陳叶今臣母虞國夫人妾盧氏行年八十志力衰謝體氣虛羸先苦眩暈近微風痲委卧床枕絲歷歲時扶人不行加藥不效此者西京有宅老母在堂臣以留司之餘尚擬和

自奉養皇也命神都子奉局面



莫從毋倚間而空切加以門衰祚薄兄早世昏定晨省

唯臣一身但臣之所以奉檄載馳仰從務貪榮徇祿唯

迫於甘旨淺知薄能豈期於聞詔皇太后陛下天地

容納雲南霑被祿疑作錄臣勲舊賜丘山臣雖小人豈忘

大德然以聖人在上孝理天下整齊風俗砥礪名教臣縱

不才其如禮法何臣雖無識其若朝庭何無任丹血勤懇

之誠謹冒死詣闕請罷官歸養奉表以聞方違軒宸伏紙

惶戀云

為王左相請致仕表

李嶠

臣及善言臣愚欵類薦心隨言盡而睿旨彌隆禮以恩酬

固辭則成命有廢勉進則私情不堪惟此憂惶坐交水火

臣及善中謝臣志均駑馬知眷戀於軒檻生北槐木懼

落於風霜思十駕之驅馳迫四時之代序辭稻粱之惠寧

是宿心乞桑榆之年但緣量力昔者主父未達常徒羨於

陳鼎孔丘遭難每慙勤於執鞭或排擯於中朝乍栖遲於

列國况臣叨恩竊幸非待營求尸祿効官不假才藝獲當

年之榮貴無曩世之艱虞豈應輕物傲時薄優游之寵官

陳辭抗疏循耿介之名節直以頽齡向盡衰疹踰加二首

六身甲子催其歲月百骸九竅寒濕烈其骨髓無仙童之

却老有災豎之侵年志力昏沉精神竭心已迷於方寸

目久暗於玄黃鳩杖扶危且暮不逮為池養望孰云非罪

竊畏衆多之口願思庸短之累昔之壯猶不如人今也



耄期詎堪經國足用披肝踏地拜手祈天方登月制之辰  
庶免夜行之咎言非飾請理實誠陳陛下厚眷殊私尚留  
陪於簪履老臣餘喘微息終絕望於軒墀空荷不貲之恩  
實無自強之地伏望俯矜疲劣微賜含容免其折鼎之憂  
假以懸車之樂尚殘骸未殯尚齒不遺猶望俎豆几筵接  
虞庠之庶老歲時朔望陪周行之末班更得拜奉宮闈瞻  
觀日月則生涯兼足死將不朽伏蝸廬而獻欵仰龍闕而  
翹覓心往形留授簡增欵無任拙疾衰老戀慕屏營之誠  
謹遣息清廟臺主簿溫重請朝堂奉表陳情以聞

文苑英華卷第六百三

文苑英華卷第六百四

表五十二

請致仕二

謝表附

告老乞致仕表一首

請致仕侍親表四首

請致仕表四首

謝恩勅許致仕表一首

代崔公授秘書監致仕謝表一首

爲蕭太師謝致仕表一首

謝分司表一首

告老乞致仕表

宋璟

開元二十年

臣璟言臣聞力不足者老則更衰心無主者疾而尤廢臣



昔聞其語今驗諸身况且兼之何能為也臣拔自幽介欽

屬聖明才不逮人藝非經國徒以久從驅策歷叅試用命

偶時來榮因歲積遂得再昇台座三入冢司進階開府增

邑大郡所更中外已紊彝章逮居端揆一作右職何

者丞相官司之長任重昔時愚一作微臣衰朽之餘用慙他

日位則逾盛人則浸微盡知其然何居而可頃所以二字一作

者僂俛從政蒼黃不言實懷覆載之德冀竭涓塵之効今

積羸成憊沉痾一作痼莫瘳耳目更昏手足多廢顧將殞越

寧遂宿心安可苟徇大名仍尸重祿且留章綬不一作上

闕庭儀刑此乖禮法何設伏惟陛下探一作選能以授為官

而釋察臣之有詞矜臣之不逮使得罷歸私室養疾一作

上一作官謗下知死所則歸全之望獲在愚臣養老之恩一作

於聖代日暮途遠天高聽卑瞻望軒墀大深感戀臣比一作

此伏枕不堪詣闕無任誠懇之至謹遣男朝請大夫行起

居郎渾於朝堂奉表陳乞以聞

請致仕侍親表

敬讓

臣某言臣聞事君事親率由之道斯一為臣為子資敬之

途無二臣實不才累昇榮敘徒以家承勲舊地分茅土寵

命優渥寔此之由非臣妄庸所堪獎拔臣未登壯歲乾蔭

先傾逮于強仕母氏為育欣欣而就祿者希祿養之及親

也臣雖愚鄙妄佩朝簪臣母王夙侍巾櫛父經憂苦一纏

風疾二十餘年今秋已來所苦增劇板輿周覽近在於家



園綵服承歡久違於膝下臣謬居藩佐累變炎涼瞻望庭  
闈五情紆結雖王臣蹇蹇匪躬之故而孝道蒸蒸因心罔  
極伏惟陛下聖明統業孝理天下文軌同於八荒德教加  
於百姓况臣沐浴皇化差池班列塵忝滋久臣復何言臣  
兄弟之中臣又居長五起三省是臣微志視膳嘗藥非臣  
而誰臣之愚誠天地神祇所共昭鑒伏乞天恩少留哀察  
臣請解所職侍養京都冀烏鳥之情俯遂終食犬馬之報  
希酬萬一臣雖死之日猶生之年無任倥傯一作惶懼迫切之  
至

請致仕侍親表

拓跋興宗天寶中

臣某言臣聞懷祿者耻於冒進事親者貴在及時苟一作  
分之榮何報所生之德臣興宗中謝伏奉某月日勅一作  
入京觀省者臣母譙郡太夫人曹氏今八十有四一遭風  
疾倍加羸憊臣之戰灼罔知攸從然曹氏有臣更無他子  
臣纔齟齬父已背亡守志備悽鍾情善訓恩深徙宅慈過  
折蓼孤危相保臣得成一作未久荷國恩磨鈍策疲  
已歷三紀腰金拖紫四昇八命每慙祿厚慮臣身災况老  
親在堂迫於衰疾而更晨昏有闕尸素無厭碩鼠貽刺林  
鳥不若尚叅朝列心豈違安特乞停官許從歸侍則藜藿  
之養子道獲申桑榆之暉母心是慰當今大聖御極羣賢  
共理豈資微臣而在冗職雙鳧隻鴈寧覺少多九牛一毛  
未為增損倘明神見祐母體漸平在臣犬馬敢不驅策伏



望採詩人之錫類鑒令伯之陳情曲降鴻私俯矜微懇垂  
恩遂志死將萬足不勝懇款之至

第二表

前人

臣某言臣前表自陳上訴母親乞停所職以就私養聖恩  
未許懇願莫從母子二人肝腦塗地臣某中謝臣初孩則  
孤未冠而仕不識父兄之教但承慈母之育向母無臣則  
烏鳥誰哺向臣忘母則禽獸不若更無性命以至成長今  
臣老母八十五載矣加之疾疹日甚一日有增無減一作瘳

湯藥杜口粥食不入頃乃析恩請命忍死待臣臣不承聖  
恩不復見母母不蒙聖造亦不重見臣自從去年漸能開

釋若臣又辭母母更別臣臣母必即倚門氣絕上馬心

榮寵猶望孝理抑就名教以蕃夷之賤品忝冠冕之清流

身帶三印爵封五等入踐命卿出爲副將正是臣報國立  
功榮宗輝戚之時愛惜毛羽保持名位寧可進寸其容退

尺豈願驅一作損華轂以傳板輿樂閑居而忘厚秩士君子

猶貪其富貴臣種類豈知其矯飾母不能割慈忍愛子不  
可背義違親二者之心賢愚共悉方寸旣亂焉可以理軍  
否藏皆凶焉足以謀敵無自招於遘死則未戰以取亡何  
以爲萬人之命赴國家之意陛下於愚臣過聽謂邊將得  
人則有隴右專知教練兵馬使右驍衛將軍藺廷輝材畧  
冠軍智勇無對今節度王忠嗣知其名已令攝使替臣如



流輩諸將皆是可惜臣匹夫之勇而不見萬人之敵何抑  
烏鳥之衆而不用熊羆之帥一作師陛下必以臣幸無大過  
不令失職即望全其官守罷以軍糜減其俸祿以延老母  
畧許其宿衛兼遂微臣之定省朝則覲君退還侍母公私  
兩遂忠孝並存母子如初生死萬足遠近夷落咸知聲教  
無任懇切危急之至

第三表

前人

臣某言臣聞事君愛親出忠入孝孝苟不足忠能獨全自  
古及今未之有也臣夙遭凶憫早喪父兄母祗育臣臣唯  
侍母更相爲命逮至于今誠願報國安親兩遂忠孝况臣  
少從邊役侍養多違母常意臣積憂成疾往者一辭天  
六變星霜徒叨守郡之榮終切倚門之望加以老母年  
邁邁景晏桑榆衰疾交侵藥餌無主頃乃祈哀上請忍死  
侍臣臣幸獲歸寧老母稍安寢息再造之施空荷於乾坤  
廣大之恩無階於答効臣又聞子急告父臣急告君今母  
若無臣臣定失母所以隳裂肝膽塵犯威嚴乞停臣尸素  
之祿假老母殘餘之命誠爲至願非敢飾情自聖鑒未廻  
懇誠猶阻而臣又不幸愚子供奉官右威衛郎將守義近  
亡臣今惻然形影相弔生人之極無甚於臣老母既見孫  
亡預愁臣去舊患未捐泣盡繼血伏惟聖主孝理天下特  
降綸言戶有老親令蠲賦役鄉有孝子必表門閭洎乎荒  
外百蠻咸被教化臣雖戎狄賤品忝沐薰風烏鳥之心實



愧乳哺若使貪榮徇祿肯義忘親固天地所不容人倫所  
同棄更何面目敢列聖朝特望上垂天光俯照愚懇於臣  
養親之日短効命之日長允其停官許令侍疾四夷慕義  
陛下之德化無窮豈惟微臣獨荷恩施無任迫切屏營之  
至

請致仕表 憲宗

高郢

臣郢言臣聞量力而仕臣下之審分知止不殆道經之明  
訓所以七十致仕禮式其期臣犬馬之年去春已滿頃者  
方欲陳乞屬蒙新授今任忻時忘老祗命戀恩復屬王師  
出征聖軫方切輒求安退又所不敢伏惟睿聖文武皇帝  
陛下德廣天地道孚干羽承宗順命服罪効誠制誥班師  
萬方軌道昆蟲草木各遂其性臣早當告謝無忘夙心不  
應遲回更俟終日况復夏官任重賢路久妨時制已過衰  
疾兼甚實懼夜行之罪上累明時之寵伏乞許遵恒典特  
賜餘年止物議之貪榮洽宸慈於休老微臣之願庶蒙矜  
允臣竊惟塵曠謬迹三朝叨承睿獎中外六任竟無毫髮  
上答恩私齒盡請骸終慚且惕徘徊積戀戰汗陳愚天闕  
一辭朝車未稅方從野老共樂堯年臣郢不勝感恩兢惶  
之至

第二表

前人

臣郢言臣上陳丹懇非敢飾辭前月二十三日中使梁士  
平奉宣旨賜臣還詔聖慈曲念未忍棄捐綸音下臨特加



褒獎心魂震悚拜舞覲容臣某中謝臣血氣旣衰戒之在  
得鍾漏云盡行者當止臣今所乞已過常期若志悅前言  
事適徃行雖稱守命誰曰非貪况臣升朝以來歷忝清貴  
歲時曠久叨疑作用篋聞前恩無報後効焉取使臣負山  
欲強何由臣伏以戀主之心古今齊致暫從外補猶所不  
樂水違闕庭豈遑勇退竊以菌蟪生促無幾光陰駑駘齒  
窮匪任衡軛加以疾疹時發筋力日耗與曠官而叨寵寧  
量已以乞恩庶蒙聖鑒昭回愚悃特許臣得從時休息以  
禮進退免於黃耆猶負素餐全度庸微生成莫大天無私  
覆冀收惠溼歲不與臣敢忘披露再黷宸聽辭隨涕零臣  
鄙不勝感戀兢戰之至

第三表

前人

臣郢言再表陳情一心仰施瞽言無感宸眷不廻今月四  
日中使魏寶義至奉宣進止賜臣還詔倍加榮獎未允愚  
衷驚寵循涯伏躬嬾越臣某中謝臣聞勞生佚老天理自  
然蠕動翾飛日入皆息時不期而必至物雖強而無由禮  
經所以制限疲薺所以獲退自非貢禹之守終據古趙嘉  
之正身匪懈韓暨之志一作非節高紫山濤之道德模表人  
皆顧望禮以至公縱過常期詎爲貪冒其有當仁不讓急  
病忘身豈止君命猶宜自舉故魏伐秦師唐睢請車而  
說漢謀邊將克國對無踰於老臣所謂臣事君以忠君  
使臣以禮忠無不納禮亦從宜如此則選舊任能足供國



用優年加惠得遂時歸古之進退鮮不由此臣以不才叨  
辱高位幸而免戾年及乞骸苟蒙得請之恩實受終身之  
賜若叨榮不忤當退而留則上累皇明下重臣罪况臣自  
少力薄不知等夷年老氣衰見孰疑作羸憊形因榮弊疾  
與齒并營衛每垂膝脛多痺既憂廢職又懼妨賢內外交  
攻生涯轉迫窮暮之懇不遑起居芻蕘之辭已罄肝膽一  
物有關於亭毒容光時假於照臨顧西山而骸日瞻北闕  
以馳心臣郢不勝戰惕感戀之至

謝致仕表

孔幾

臣某言臣聞七十致政禮經格言此蓋先王立教示人  
終也苟或冒榮貪祿不知其退亦縉紳之醜也今臣  
過矣耄亦及之顧聆班行每懷慙覩幸屬聖明御宇多士  
盈朝百度既貞萬靈遂性躍魚戲在藻之樂野夫盡擊壤  
之歡微臣叨逢此時得以陳露而猶進不知止懼損明風  
况齒髮已衰筋力不進雖力官次恐貽敗闕伏以南宮左  
轄華省紀綱政理所關選用為重豈臣衰朽久膺此任伏  
乞聖鑒察臣誠懇賜臣骸骨歸老丘園所冀聖朝無浮食  
之人微臣免強飯之責將違聖代戀闕誠深無任悃款之  
至

謝恩勅許致仕表

睿宗

李嶠

臣某言伏奉恩勅聽臣致仕祗服慈造不勝銘戴臣本無  
器識素乏材能幸屬時來屢蒙朝獎虛受榮遇迄無成績



光陰漸迫衰疾常留二豎頻侵十旬每曠懼忝腹心之寄  
遂陳骸骨之請天情曲獎聖准旁流殷鼎調梅雖輟參  
漢藩剖竹仍叨卧理百城肇案六疾彌加竟虧露冕之  
俄錫懸車之寵方循初服退守故園忘機求漢水之翁  
壤就堯衢之老歌太平而求日飲聖澤而窮年林壑長  
俟卉未而俱稿雲霄坐隔仰闕庭而增慕無任大馬悵  
之至謹因留守起居使奉表陳謝以聞謹言

代崔公授秘書監致仕謝表

常衮

臣某言伏奉恩制授臣銀青光祿大夫秘書監仍聽致仕  
臣聞不修其德老當見遺無益於時祿不虛詔伏惟陛下  
以大聖無一作運以至公宰物凡在爵秩必俟賢能况茲

寵異豈及駕朽臣官歷五朝年踰八十勤勞莫効齒髮益  
衰舊好同遊索然已盡經行郡國不見一人歡娛且少形  
魄如寄古之養老義在師臣必公卿大夫耆年多疾乃有  
詔書褒勞之寵靈壽安車之賜不然則高尚之士亦以道  
存非閔仲之潔清姜肱之孝行固不可猥承嘉命特受殊  
禮今陛下以臣之甥任在樞近階緣厚遇曲被鴻私官品  
過崇越於班列疵賤忽貴枯瘁增華親戚相榮以感以涕  
猶復恤其羸憊貸以休閑從一作周禮四方之適存漢儀  
八月之間惠養益厚等威益尊冒恩不訾仰戴無力殘生  
有幾上報一作答何階無任感戴一作之至

一作皆唐類表



為蕭少師謝致仕表

德宗

高郢

臣昨言伏奉今月二十三日制除臣太子少師致仕仍給半祿料其晏會及朝朔望並依常式者桑榆暮齒忽遂休閑犬馬微誠仍參朝會臣其中謝臣本書生資於巾褐每歷清列尸曠徒深早迫流年止足有素特以四朝受任于載逢時難勝戀闕之心久滯乞骸之疏陛下俯憂羸老曲被庸愚三印之辰更加新命懸車之後且許時朝榮賜俸祿澤深惠養昊天罔極思上報而無階餘日幾何奉湛恩而不朽無任感戴忻忭之至

謝分司表

劉禹錫

臣某言伏奉今月十九日制書授臣太子賓客分司東都者寵命自天戰越無地臣某中謝臣發迹書生以文為業出身入仕四十餘年頃自集賢學士出守吳郡面辭之日親承德音念百姓水潦之餘示微臣政理之法臣祇承集膺聖旨夙夜竭誠間里獲安流庸盡復猥蒙朝獎錫以金章及遷同州又遇歎旱悉心綏撫幸免流離今荷天慈憫臣耆舊列名賓護之職分局河洛之都老馬需束帛之恩枯株蒙雨露之澤獲居榮秩以畢餘年顧此微軀實為厚幸伏以臣始為御史逮事德宗今忝宮僚幸逢聖日舉四海之內賢能則多求六朝之臣零落將盡雖迫桑榆之景猶傾葵藿之心無任感恩惕抃之至



林林崇兩霸之戰... 皇太子請復膳表一首

太子公主上請

僧請附

- 皇太子請停幸東都表一首
- 皇太子請家令寺地給貧人表一首
- 皇太子請放罪囚表一首
- 皇太子請復膳表一首
- 皇太子請起居表一首
- 皇太子請給庶人衣服表一首
- 皇太子請脩書表一首
- 皇太子請加相王封邑表一首
- 為太平公主請住山陵轉一切經表一首



為太平公主辭欲起新宅表一首

為魏國北寺西寺請迎寺額表一首

為人請子弟出家表一首

為東都僧等請留駕表一首

為洛下諸僧請法事迎秀禪師表一首

皇太子請停幸東都表 高宗 崔融

臣某言臣聞乘雲駕羽者非以逸樂其身觀風設教者將

以弘濟於物故後予胥怨幾一作望湯來吾王不遊嘗恩

禹會伏惟天皇察帝道敷皇極一日二日智周於萬幾先

天後天化成行一作於四序雖鴻名已建銘日觀而知尊而

膏澤未流御雲臺而不澤市朝之邑天地所中四方會百物阜殷爰降恩旨行幸東都然以星見蒼龍日

朱鳥清風用事庶彙且繁桑翳葉而眠蠶麥飛芒而雉

詳求易緯是君無發衆之辰博訪禮經當人急勸農之月

固未可陳詩展義拜洛觀河况序屬亢一作陽時方避暑

露臺風館尚多薰灼之勞帳殿帷宮將有鬱蒸之弊天皇

昔常服餌近更躬親睿情勤苦天儀憔悴若何以萬乘之

重四海之尊暴露而行旰日而食者也加以官僚扈從或

少資糧程期迫促未遑周辦必若事應巡狩一作務從寬

恤猶望白露涼風然後清畿洒道下不違於人欲一作上

無隔於天心可舉而行庶幾於此臣又聞關中屬縣畿內

傍州百姓驅馳頗多饑餒天皇仁深覆育並令賑贍求轉



徒者任其逐糧欲寧居者加其廩食家懷再造人得安全  
乞至秋來不煩聖慮特乞少留玄鑒俯察丹誠廻太陽之  
末光納蒙臬之餘瀝臣三朝問寢常候色於宸慈五日詣  
臺每承言於聖獎輒陳冗職輕進芻詞踏地知驚窺天自  
失無任私懇之至謹遣某官奉表以聞

皇太子請家令寺地給貧人表 前人

臣某言臣聞法天之道義屬於有餘象地之宜理存於益  
寡頃以咸戒近縣鄆市傍州頗積風霜或侵苗稼天皇兩  
儀合德百姓爲心發倉廩以賑貧人垂雨露以滋微物俗  
荷財成之施家懷亭毒之恩臣濫奉宗祧親承覆載歲時  
衣服或憑府藏之餘朝夕膳羞必佇饗餼之辦過此以  
臣亦何求但知問豎寢門尊師胄序魏兩文儒之盛竊  
係心漢儲湯沐之資未嘗留意但關輔之地萌庶孔殷丁  
壯受田罕能充足所以水旱之歲家室未豐正末端本思  
有裨助臣家令寺有地九百餘頃特請廻授關中貧下等  
色雖地非安邑寧期千戶之計而價等露臺虛費十家之  
產伏乞皇恩遠及聖澤旁流於臣愚効遂臣誠請謹遣某  
官某奉表以聞

皇太子請放罪囚表 前人

臣某言臣聞堯舜推心諒因於百姓禹湯責已必在於至  
一作 庶 人頃以炎亢踰時資儲頗乏天皇情勤戒慎務切憂  
勞發倉廩以調窮罷珍羞而酌損紅粟未阜愈競御朽之



懷白粲有形特軫推溝之念爰降恩旨俯加寬恤凡在生靈不勝鼓舞然以和風所被蘭茝同榮膏雨所流公私並潤徒刑之輩已沐於深慈杖罪之流未霑於厚渥且五刑之內咎坐爲輕兩造之間原情可恕時當慘勁命甚漂浮因茲決罰或從顛躓伏乞迎春布澤應天道而無違任地成功順人時而不奪使三農有望萬物知歸臣濫守儲闈叨陪帝幄乾坤覆載荷至德而徒深日月昭明在末光而何助無任區區之至

皇太子請復膳表

前人

臣某言臣聞善特國者舒慘必繫于天時德稱皇者動靜莫違于物理故百姓不足一人所以載懷四海爲家萬方置其在慮伏惟天皇觀風設教拜洛遊河光華前乎日月法象齊乎天地頃以歲儲微耗年穀未登睿旨憂勞宸作情戒惕菲飲食而卑宮室居常夏禹之明減厨膳而徹一作撤鍾懸重取黃軒之事由是神靈盼饗景氣氤氳雪千里而朝飛雨四溟而夜下兩河之甸瑞麥盈疇三川之境嘉苗被隰天意人事其在茲乎可以隨道抑揚可以與時通變周王之本枝百代每進蠱庖殷帝之亢旱七年猶資鶴問昔賢具稱其美往聖不議其非唯此小心將率大德臣又聞下之奉上猶枝附根君以人作基人以君爲命天皇恩深子育念切家安損已勵精無違早晏停滋罷味已隔歲時聖躬有勞倅之容群類動競惶之責伏乞俯從人



欲仰順靈心具珍物以登羞隨太陽而復膳蕙蕭知送涼  
之地芝英識駐壽之期豈使眇眇燧皇獨流名於曆久悠  
悠黃帝空紀稱於庖犧而已哉臣寄忝元良任當監守春  
冬冒序學書禮而空勤朝夕寢門視寒溫而未即無任悃  
欵之至謹遣某官奉表陳請以聞

皇太子請起居表

高宗

前人

臣某言今月某日起居舍人某至一作還伏承聖躬頃稍不  
安今已痊復手舞足蹈慶躍兼深臣聞孝於事親為子之  
方以一作已極恭於奉上為臣之道則先臣自違侍軒墀已  
淹時序周儲故事一日三至於寢門晉兩一作宅舊儀一月

聖明於左 一作閣今之望古臣獨何人日者歷瞻陳

心觀謁伏惟天皇以關河鎮重監守務殷睿旨冲邈未垂  
矜亮今既十月築塲三農事隙特乞暫流恩召俯念單誠  
遂以起居假以時月得長拜旒宸遂一作長臣私情則暮辭  
闕庭在臣無恨不勝戀慕之至謹遣某官奉表陳請以聞

一作皆唐類表

皇太子請給庶人衣服表

前人

臣某言臣聞心有所至諒在于聞天事或可矜必先於呼  
帝庶人不道徒竄巴州臣以兄弟之情有懷傷憫昨者臨  
發之日輒遣使看見其緣身衣服微多故弊男女下從亦  
稍單薄有至於是雖自取之在於臣心能無憤愴天皇衣  
被天下子育蒼生特乞流此聖恩霈然垂許其庶人男女



下從等每年所司春冬兩季聽給時服則浸潤之澤曲霑於螻蟻生長之仁不遺於蕭艾無任私懇之至謹遣某官奉表陳請以聞

皇太子請修書表

前人

臣聞昔者明王學以化人成俗古之君子文以締地經天雖有閨風之高嶽弗登弗知其峻也雖有浴日之巨溟弗涉弗知其廣也伏惟天皇域中居大天下化成百官以理萬人以察日行中道而淑清歲起攝提而位序光薰萬物豈直芝珥冀却澤加一作施四海寧惟壽麻孤竹地成形而天成象其道彌光河出圖而洛出書其徵可驗環林璧沼

金明石室寶典積千丘山筆墨盈千泉每聖朝多士自可包三代之文臣顧不才何足奉三王之教皇慈渥洽帝獎優隆擢公望為太師徵子房為少傅所冀習與智長化與心成嘗辛苦於歲餘終未階於日就臣聞學者殖也問以辨之積必有成勤則不置以周公之上聖日讀百篇以孔父之多能韋編三絕臣雖不敏竊所庶幾然以列代遺章先王舊典康成興業纔覽卷於八千士安覃思願加年於累百豈不以學而時習傳則難精者乎今欲舉其蕭稂撮其樞要可以出忠入孝可以益國利人極賢聖之大猷蓋今昔之能事商榷百氏勒成一家庶有代於箴規長不違於左右又近代書鈔寔繁部帙至如華林園徧畧修文殿御覽壽光書苑長洲玉鏡及國家以來新撰藝文類聚文



思博要等竝包括弘遠卒難詳悉亦望錯綜群書刪成一  
部藝官賓館亦既天皇立之矣端士二人亦既天皇致之  
矣伏乞俯從微願特降鴻私許臣撰繕遂臣誠請當官學  
士如少仍望通取京官謹當開桂樹之山鑿芙蓉之水引  
甘泉之詞賦惣望園之賓客下芸閣而長謠臨梓厨而  
會一遊蘭芷佇變蓬麻區區之誠敢希矜宥豈使蕭艾  
內唯傳魏國之名崇政殿中獨紀晉朝之事而已無任誠  
懇之至謹遣某官某奉表陳請以聞

皇太子請加相王封邑表

李嶠

臣某言臣以相王且發彩璿萼承流寶派雖班彝錫瑞既  
同於伯叔之封而食菜直茅不逮於子男之國故緣敦又  
之義輒獻由衷之誠而葵藿傾心徒希皇矣之鑒雲霄  
望不流霈然之澤恟怳如失徘徊增佇臣某誠惶誠恐頓  
首頓首死罪死罪臣聞命以車服錫之土田實將共安邦  
家永固宗祐炎漢之開藩樹屏廛開七十城隆姬之書社  
建侯封疆四百里故知業隆者基大本盛者末豐涯涘闊  
而潤澤深枝條繁而庇蔭遠伏惟皇帝陛下握河開曆截  
海凝圖化絲於商夏之朝地廣於唐虞之域裁舊典之損  
益補前王之闕漏萬官咸事百度以貞雖穆穆之風具宜  
於政理而親親之道或廢於揖謙至今骨肉禮薄藩維業  
曠曲阜之特高才藝仍減附庸平臺之深篤孝慈僅留湯  
沐徽章空列於五等祿秩不踰於九命曦舒兼曜之德義



被於寰中雲雨曲成之恩翻遺於膝上異強幹弱枝之道  
 遠先親後踈之意非所以上宗王室下睦帝姻况天垂後  
 星承髮膚者蓋鈔卦膺習坎奉晨昏者非衆荷圓穹之寶  
 覆籍厚載之珍腹若令寵數不加等威無辨便是卑萬乘  
 之尊蔭缺四海之遐瞻蠻貊荒陬猶知不可衣纓士庶孰  
 謂其宜伏念天倫深惟國體情實存於公道理不涉於私  
 求伏願曲降聖慈俯收愚懇恆久遠之大義抑冲撝之小  
 節疇咨故實申命有司劃以山川優其井賦剖符開國依  
 希魯衛之親盤石居宗髮髻應韓之躅明鴈鳩均養之惠  
 慰鵲鶴同氣之心使麟趾式安犬牙愈一作固則洪恩所  
 被允及於萬方靈一作所單豈惟於九族無任困歎屏  
 營之至謹遣某官某奉表陳請以聞

為太平公主請住山陵轉一切經表

前人

妾某言妾生涯有緣仰繫皇極孝行無感上傾乾蔭號天  
 罔極扣地不追集蓼崩心茹荼泣血自攢開東洛紉下西  
 秦氣朔端移光靈浸遠怨晨昏之易隔悲節叙之難留舉  
 目摧傷觸途殞裂今橋山已祔藥水還封二曜停臨九天  
 絕仰慟遺弓於此日思稅駕其何年追想平居未惟曩載  
 粵自襁褓迄於成立鍾慈結愛殆欲蒙携於掌二候色承  
 顏何嘗暫離於膝下方倚南山之固長承北極之尊豈圖  
 就養之歡遽乖於扇枕問安之地翻類於過隙念凶妨而  
 自咎思顧復以何酬所冀扶杖墳塋結廬山隧瞻奉觴奠



依憑園寢終三年之禮企及通使轉一切之經庶邀冥福  
上以資未來之果下以摠罔極之心伏惟陛下孝通神明  
仁泊草木乞體荒疾特垂憐許使烏鳥微志獲與耘禽致  
哀犬馬孤誠得從耕象望慕則窮喘無恨餘生知幸無任  
哀切之至謹附使具官某奉表陳請以聞

為太平公主辭欲起新宅表 見五百七十八卷

留箴 前篇作 垂箴 畝價 前篇作 畝賃 前人

為魏國北寺西寺請迎寺額表 武后 李嶠

沙門臣某等言竊聞加隆園寢漢道以光潔誠宗廟周卜  
惟永斯但禮極崇奉事昭嚴配未能遵揚七覺酬顧復於  
前生幽贊三途樹津梁於後劫伏惟聖母神皇陛下中天  
構極截海疑圖懸法日而貞觀汎慈舟而利涉天經地義  
之德率禮因心奉先追遠之誠宅緣證果弘濟深於冥境  
薰修入於梵門天子之孝感陰陽而通鬼神聖人之心刑  
萬邦而被千祀乃者深發睿思永懷遺躅簷帷轍跡之所  
蓋建寶坊南北東西之城咸脩法宇佛刹周於天壤寺名  
因於國號自崇陽改謚奉明增邑雖配天盛典已革於常  
數而淨境大名尚題於舊額是以稻麻眾侶葵藿微心願  
弘金石之名思降瓊瑤之禮 疑作 札 愚言聖澤已蒙昭許日  
往月來未遑迎致今望以九秋嘉節七月良辰當萱筵之  
初滿屬孟蘭之始獻勝幡香蓋延寶宇於金門法鼓天花  
奉鸞書於象闕俾夫道路瞻仰虛空俱讚高懸銀榜豈惟



天地之宮列署瑤房遠邁神仙之宅某等或扮榆故社或  
桑梓舊京謬參龍象之筵預奉衣冠之列白雲千里瞻帝  
鄉而極目朱門九重望宸陛而延首倘皇慈曲被人願不  
過則八部式歌四海知幸無任懇倒之至 聖澤熒作

為人請子弟出家表

陳子昂

臣某言臣以險豐私門不造亡父故某官先臣某早先朝  
路求謝休明日月不居星紀云暮伏以先臣榮縮章綬累  
不榮私三歷名卿職參於河海八居物守任切集作於股  
肱而報効莫聞零落先及啓足英華作之日露首知慙是  
以臣克奉誥集作言志期冥報請以當家子弟三兩人奉

實貫心髓今者高宗大帝出家歸道而孤煢在疾遺囑未申奉以交  
未効他日所以乞遂冥願敢覬天恩庶菩提之因發揮於  
正覺涅槃之證幽讚於宸階先臣夙心無恨於集無泉壤  
伏願上天降鑒微誠可哀因緣獲展存沒交慶不勝崩迫  
之至

為東都僧等請留駕表

中宗

宋之問

臣僧某等言臣伏見某日月勅以今月十九日集作今將  
幸長安東都道俗不勝感戀伏惟應天皇帝陛下重興靈  
命再造黎元域中懷三聖之恩天下識吾君之子關西帝  
宅渭北神臯思切園堊未竭長陵之樹貴為天子不歷咸  
陽之宮宜應萬乘巡遊一鎬池之新慶三秦故老覩漢家



之舊儀率土顛顛孰不欣躍但以先後神寢夏首方成太子仙墳秋中未主主陪奉更健工徒雖力以子來而頗妨農事倘千官扈衛同費太倉之粟萬國來庭共索長安之來將何給用以濟公私且東都有河朔之饒食江淮之利九年之儲已積四方之賦攸均誠宜宅幸三川寬徭八水稍登稔歲方事歸鑿以欲從人孰不幸甚則天聖后父成佛果俯應輪王冀發無邊之巨願光有為之妙福經始大像年籥滋深愧緇流之淨財念蒼生之苦力俯從群議莫遂聖情陛下孝感傍通冲襟獨斷追成先志上合天人故得蓮礎未施為停風雨梅梁鬱起若有神明施其力者萬殊莫分龍鬼捨其財者千計豈辨人祗豈已集作千和之匪日實冀金輿近幸玉輅親臨禮如來之大身畢生聖之遺旨然後載詣京輔馳謁山陵即付囑無違情禮兼極無任懇款戀慕之至

為洛下諸僧請法事迎秀禪師表

前人

僧某等言某聞任持真教先憑帝力導誘將來遠屬能者伏見日月勅遣使迎玉泉寺僧道秀陛下載弘佛事臺隸斯人語程指期朝夕詣闕此僧契無生至理傳東山妙法開集作室巖集作居年過九十形彩日茂弘益愈深兩京學徒群方信士不遠千里同赴五門衣鉢盈頭於草堂卷盧鴈行於竹島集作雲集集作務委虛往實歸德三楚之窮林繼一佛而揚集作栖山好遠久在荆南與國有緣今還豫北



九曲

集作

道俗

感

如公

母三

河士

文仰

之猶

山

謂宜

緇徒

野宿

法事

郊迎

若是

集作

輕來

赴都

遐邇

通

威儀俗尚道秀所息崇敬異人和眾之願倘得焚香

法王散花而入道場則四部銜恩萬人生善無任

至謹詣闕奉表請與都城徒眾將法事往龍門迎

聞輕觸天威伏深戰赴

林六韻口實真金輿茂幸王神降廟對仗來之大良畢

請朝觀

此卷英華所編失年代先後今正之

為房州長史請朝觀表一首

為張侍郎乞入觀表一首

再請入觀表一首

李令公乞朝觀南郊表一首

皇帝違和請朝觀表一首

青帥乞朝觀表一首

為陝州盧中丞請朝觀表一首

鄭滑李僕射乞朝觀表一首

杜司徒乞朝觀表一首



鄭相乞朝覲表一首

為楊大夫請朝覲表三首

請朝覲表二首

孔大夫請朝覲表一首

崔中丞請朝覲表一首

李大夫請朝覲表一首

為房州刺史請朝覲表

上官儀

臣某言臣一介薄才不周時務命隨事偶超竊宦途歷職文武榮華內外年餘三記受恩兩朝循涯省分實優常品自違丹陛寒暑亟移限以大藩久絕朝覲頃以年頽疹迫風眩日曾裏闕庭而載佇仰雲霄而聳望陛下昔居春禁臣預應朝集披膽祈恩特蒙鑒許尋奉明詔入衛鈞陳惠澤曲流其來自遠誓生沉族未識所酬今以衰疾之年久違趨拜望克計吏一奉宸闈頃者希天聽卑期照心靈振蕩冰谷非危干黷旒纒伏知待罪謹言

為張侍郎乞入覲表

德宗時任黔府觀察使

呂頌

臣某言去貞元五年於延英殿賜面辭之日親奉進止作謹令臣一考即來者臣認承聖獎猥守方隅自到黔中首末三年更入新正即及四載臣素以微一作書生叨居重鎮恭行朝旨宣諭皇恩種落遠人庶幾於理伏以遐荒僻阻控帶諸藩溪洞蠻夷性本生梗木石為伍鳥獸同群寬之則伏匿山林不遵王命一作公法迫之則結聚蜂蠆害及邊陲



臣於撫馭之間酌其中道示以一作威惠諭英華作論非以憲

章以清淨臨人以不擾為政開設學校令知君臣父子之

道勸勉一作稼穡令知生成衣食之原減其征徭蠲其力

役今國恩遠及夷落大安萬里勤王一方無事臣管內素

多瘴癘山峽重深毒霧蒸雲常在窓戶四時多雨不識霜

雪終歲陰昏少見天日出門無路舉目唯山猿鳥之心如

在籠檻臣從去年冬初忽染脚疾膝脛頑痺行步一作艱

難絕無醫人素乏藥物深山窮谷無處市求任重命輕六

可言疾一作臣先奉進止一考令歸又準勅文二年與替

臣今歲月以一作久疫癘交侵况奉綸言難堪更住臣又

辭天闕一作戀切龍顏瞻望天門不勝涕殞無任攀戀切

之至

再請入覲表

前人

臣某言臣去貞元五年面辭之日親奉進止今臣一考即

來臣謬荷聖恩擢居方鎮炎瘴之地首末四年恭守廟謀

一作宣布皇澤唯以靜理惠邇遠夷今縣道晏清干戈罷

戢雕題左袵萬里勤王溪洞之人無不樂業此皆聖上一作

之恩豈是微臣之力臣從前年六月患脚膝行立艱難

秋深已來更染風疾又從去年六月直至今日不見三光

山谷昏昏終日陰雨吞茹瘴毒實所難堪伏奉勅文二年

與替况奉進止一考令歸臣疾痛所侵氣力衰敗一作素

無醫藥恐不支持臣伏見近日已來楊或作悅孫誠李速



裴腆皆在遐裔相次喪亡特乞聖恩全臣性命許臣準勅歸赴闕庭再覩龍顏灰粉無恨臣去年十二月已進表陳乞情有至切再黷宸聰伏乞天慈救臣疾苦一作不勝懇迫憂塞之至

李令公乞朝覲南郊表

于公異

國家以來年正月五日告謁宗廟柴燎南郊率土同歡室家相慶臣已陳乞願奉大儀監使王敬親至陛下以西門式遏未蒙矜遂夙夜惶戀心如焚灼日覩漢儀猶傳故老况臣累塵清貫謬處台司侍奉翠華未爲失任亟承顧問亦近守官旣違捧日之誠益慕告天之慶伏惟皇帝纂承

聖運光啓帝圖澤流亭毒一作之源化益舟車之外今者

前王之闕典納殊俗之始賓九域駿奔傾皇都而壯觀庶官少肅扈清蹕而徐驅臣於此時獨守蕃鎮伏惟陛下鳳翔密邇或多戎梗未可輕離臣酌事宜必無所慮何者吐蕃所有兵甲悉不在邊流沙巴西纔有烽戍况其畏威聳伏向化協和自安戎類之憂敢犯漢家之塞吳說之居隴上李觀之處涇州旣平一作各有成筭以此制敵何憂撫封臣於鳳翔亦擇留後庶令軍務皆叶權宜又以州縣雖存黔黎未復徒御旣衆供承則難臣當倍道兼行遺於入侍謝車捐騎才取成容則岐路有載馳之章郵亭絕告勞之費以此利徃未爲擾人今者設壇場告天地尊嚴執禮



陛下當元首之名贊拜陳儀臣子漏股肱之用臣且自愧人何以觀乞陛下特降洪私容臣朝聘俾汪洋皇澤亦霑戎屏之臣肅穆旌門粗識昇平之禮既均情於故老庶無愧於子牟退入泉壑不為恨矣

皇帝違和請朝覲表

前人

臣某言伏奉手詔聖躬頃暫違和旋亦康復鼓舞歡抃倍百常情然且爾來未有人到惶戀之至寢興無寧何者臣義忝寵榮恩當彌亮聖躬垂理股肱何安是以瑣瑣寸誠款款微志思陪朝列一解漏容之憂或從良醫待獻千金之藥頃以陳乞願得輕行未蒙還旨猶增戀慕且睿謀私遠邊鄙方安春候轉深戎馬難動以此揣度固無意伏乞聖慈許臣朝謁輟旬時於藩鎮候安否於宸顏臣之微願於斯畢矣

青帥乞朝覲表

柳冕

臣某言臣備位方面守鎮一作海隅顧無理平之績猥受增秩之榮而不自媿者顏之厚也竊感江漢朝宗之義鹿鳴君臣之燕頌聲之作王道之唐書始也國家自兵興之後不違儀一作禮方岳唐書未朝讌樂久缺臣限以一切之制例無朝集之期目不覩朝廷之禮耳不聞宗廟之樂足不踐軒墀之地十有三年于茲矣犬馬齒衰益深戀主葵藿將暮空仰太陽古人云日雖不為葵藿迴光然向之者誠也臣職在戎馬身辭日月願因朝謁一見漢儀會一作



亦臣之誠也傳曰朝以正班爵之義會以訓上下之則朝

會者禮之本也臣安敢忘故群后四朝以明黜陟唐虞制

也五歲一見以考制度殷周制也三載上計以會考課兩

漢制也其或不朝則以禮讓之故孟子曰諸侯之朝天子

曰述職一不朝則黜其爵再不朝則削其地三不朝以一

則六師移之然則諸侯朝會尊王室也可以廢食不可以

廢朝泊秦滅古制罷侯置郡漢立王侯並建守相聖唐稽

古兼而用之故天下朝集三考一見皆以十月上計至于

京師十一月禮見會于尚書省其朝覲也應考績之事至

其一作元日也陳筐篚之貢集於朝唐書堂唱其考第進賢

以興善簡不肖以黜惡穆穆齊濟靡然成風太宗之貴一作

也自安史亂常始有專地者矣四方多故始有不朝者矣

戎臣恃險未有悔過者矣臣忝閩外一作之寄竊憤不朝

之臣故每忘寢與食思一入覲庶因微臣率先天下則君

臣之義親而不踈朝覲之禮廢而復興一作臣之幸也常

唐書作誠恐負薪之疾溘先朝密觀禮不展歿於下泉臣之憂

也又臣四年已來頻乞骸骨聖恩哀憫許為擇替無德而

祿歿爨荐臻臣雖上恃天慈不殞瘠瘠而下悲骨肉繼以

死喪及聞諸將帥亡沒亦眾臣自悼何德以堪久長昔公

子牟身在江海之上心馳魏闕之下則鄉國者人情不忘

也闕庭者臣子之戀也朝覲者國家之大禮也是三者人

之大願伏乞一作陛下憫臣丹懇許臣入朝再謁聖顏萬



舞稱賀

一作

斯願畢矣無任懇款屏營之至

為陝州盧中丞請朝覲表

德宗

周行先

臣某言臣家忝儒門才非國器生休明之代遇堯舜為君束髮從官三十餘年矣曩日佐幕獲在湖南蒙先聖察臣効愚錄臣克謹歷外臺三院知留務五年頻降絲綸驟登朱紫天慈子育不集戾於微躬君父之德且深昆蟲之力難報臣某中謝伏惟陛下繼明授圖誕敷至化特授以刺史兼經畧觀察等使頃容管鎮任職方隅逮茲五考要荒外服僻陋在夷不能賦車籍馬以給國儲不能餼牽饋餉以賑軍食忝列位聯率慙無匹間歲陛下避狄奉天省方

梁漢臣不獲身當矢石血賤亮渠及陛下掃除妖氛丹告

區宇臣復不獲扈蹕清道執戈啓行且霑率土之毛莫不事君之節此臣所以內訟刻骨上思訴天苟貪符竹之榮實懼素食之刺臣今年踰知命齒髮已衰官守炎陬星霜屢改乏中和之理行無考課之彰聞而炎癘暗侵桑榆漸迫常恐一先風燭未謝聖朝况復不識覲見之儀未知班瑞之禮羔鴈列序空聞於禮經鷄鷩同行欲求於夢寐伏惟皇帝陛下煦育動植酌心元元垂仁降慈俯遂愚懇許臣得對歎休命抃舞薰風則朝拜玉墀夕歸泉壤愚臣生不恨矣免一作死且不朽云

鄭滑李僕射乞朝覲表

馬惣

臣聞臣之事君如子事父有晨昏之道臣有朝覲之儀



載罹寒暑之遷豈勝大馬之戀臣聞古之郡國皆有邸第  
列在京師出命守藩人令述職所謂百谷朝海衆星拱辰  
伏惟皇帝陛下德伏萬邦理臻三代夷夏率俾沉翔昭然  
臣頃受任番禺星霜七變身在南海心懸北闕特蒙渥澤  
徵領宗司方厠朝行旋牧關輔東郡缺帥又忝惣戎雙旌  
自天便道之鎮赤墀輔疑作遠伏謝無因及茲三年丹懇  
每結况自貞觀之後迄于聖朝臣之一門繼荷重任擁旌  
鉞者僅二十人高祖淮安郡王神通弼亮太宗戮力締構  
榮登左揆以寵勲勞臣無先祖之功而塵先祖之位師長  
宗秩胡堪謬到是願罄述愚志一覩聖顏宵膳九迴晝食  
三歎今可胡軌道宋底寧臣所部宣物睿慈綏緝黔黎  
師旅知訓農桑以時徵賦有常廩儲有備但以違奉既久  
心不遑安輒敢冒昧上聞特希矜許入覲臣獲蹈舞班叙  
親承德音却歸方隅生死榮幸云

杜司徒乞朝覲表

劉禹錫

臣聞事君之道有死無隱懇誠所至敢不罄陳伏惟聖明  
俯賜矜察臣某中謝臣代受國恩忝承門蔭脫巾筮仕敢  
期榮名陳力効官靡樹聲績始因人乏集作驟歷清班復  
荷朝獎作藩外府遠適輦下十有四年恪守淮濱于集作  
今一紀大馬戀主寢興匪遑蒲柳易衰遲暮俄及竊位時  
久妨賢愧深况歷任集作已來四十人考祇奉朝謁時纔  
二周服勤郡府荏苒垂老屏營魏闕之思夢想承明之迹



集作遊 如迫餒寒不忘衣食伏惟睿鑒 早賜擇人

與臣為替交受集作授集作之際莫無可虞然後脂車奔赴京輦

微願斯畢雖死且集作生臣頃以戎務方殷猥加宰輔今

既事罷實慙此名為有藩鎮同時未敢輕上印綬伏以聖

朝赫奕左右惟賢漢愧得人周慙多士臣才略既短齒髮

且集作又 衰柄用之地甘心自絕所冀退歸舊里沐浴皇風

絕鍾鳴漏盡之譏展維桑與梓之敬匪惟名器不假實貴

骸骨獲集作可 全知止之心神祇可集作所 鑒無任惓欵屏營

之至

為鄭相請朝覲表

元固

臣某言伏以受恩之地中外則同戀主之心遐遠愈一作

切臣素無方畧又乏理能徒以久侍掖垣嘗叨衮職罪已

彰於負乘位猶忝於潘維一遺闕庭累變寒燠虛當重任

未答鴻恩一作私 常恐愚効未莫一作中官謗將及敢不誓心

奉職克已臨一作勤 人哀矜歛情節省財用蠲途誠慎終日

憂慙而百越殊風庶昨失業流庸未復於田里逋賦仍積

於歲時邕管防虞尚勞師旅海南饋饗猶資費用軍府屢

空物力將竭至如奉宣化理一作皇化 恭守國章臣實盡疲駑

庶裨萬一將使寇戎珍戚食貧豐滋臣雖策勵終亦無及

伏乞聖慈矜念天鑒照臨察臣審分之誠哀臣瀝懇之意

儻獲言旋京國重觀天顏則及黜無恨於淮陽馬援不辭

於瘴海矣微臣幸甚無任感恩戀主踴躍之至



一作皆唐類表

為樓煩監揚大夫請朝覲表

令狐楚

臣某言臣聞君猶父也臣猶子也子事父有冬溫夏清之

禮臣事君有大聘小聘之義臣雖庸鄙常感斯言今類表

乃地離京師千里而近身去王室十年有餘心既傾而陽

光未廻目已極而雲路猶阻此臣所以形留神往淚盡血

繼者也况監司之寄甚重馬乘之務非細或物有因襲革

之而無妨或事無典據為之而有利咸非翰墨所可升聞

貯于中心期以上達伏惟陛下廻天地之鑒垂日月之明

俯借恩光暫令朝奏儻得飛纓於赤墀之下委佩于彤庭

之前目見龍顏足履丹也則犬馬大幸與天無窮

同前

前人

臣某言臣自罷侍龍樓出班馬政星霜驟變十有三年伏

惟陛下光宅寰瀛惟新景命奏簫韶之九變獨臣未聞舞

干羽於兩階唯臣未見累歲有違離之苦終朝懷戀慕之

誠是以屢獻封章懇求朝覲愚衷不達聖眷未廻邊山之

中躑躅愁結比者臣雖庸鄙兼領嵐州職在治人固難離

局今既專知監務特有使名伏櫪多暇望雲增切且臣所

部濱類表河近塞兵家利病時事便宜難於遠陳願一敷

奏而况道途非遠僕御不多次舍之費誠未擾於郡縣往

來之期當不踰於旬月伏望俯廻天鑒曲遂臣一作心使



得稱慶於中朝然後代勞於外既至願斯畢死無所恨無任懇迫懇結之至

同前

前人

臣某言臣聞心孤者觸緒而悲意切者發言皆懇揣情循理今古同塵嘗謂無之今乃信有臣某中謝臣雖頑鄙無取亦嘗側聞長者之論上自古昔迄至於今才能事業百十於臣而不升名官之級不知祿廩之數者何可一二其紀臣某無耿介之秀或作節開濟之能且有極愚至陋之累而微生際會事陛下於藩邸之中周旋出處雖無擁金神聖之績便蕃左右曾有侍從言語之樂竊自欣賀若昇雲天伏惟陛下握圖御極疑旒垂象惠均於動植信及於細

微擢臣於方岳之中委臣以監牧之務仰憑殊造俯竭衷封人粗安國馬稍息今者秩視賓客位為大夫耳煩絲竹之音響口厭梁肉之滋味馳驅駿足偃息華輿蒙陛下覆育之恩已為太過顧微臣止足之分實所甚榮豈敢更冒寵光別求獎用伏以狗馬之齒衰暮相迫螻蟻之命危殘不常日往月來懼貽貽覆天地相分不勝瞻戀每至木葉下邊馬嘶切思指畫君前以畢平生之力常恐先霜露填溝壑不見丹闕長恨黃泉伏惟陛下仁愛惻隱及於萬類察臣之至願表知臣之赤心使一入帝城死無所恨無任一作不勝哀迫懇苦之至

請朝覲表

符載



臣某言臣聞臣之事君猶子之事父苟聞庭之侍曠晨昏之禮絕擬議名教得為孝子乎臣自違天顏二十餘載身不趨宮闕之地心不展烏鳥之誠戴天嚮日肝肺焦灼况臣暮齒筋力漸衰以中人之材當大潘之寄智慮昏殆政術荒疎白揣封疆固多敗累豈可使萬人稟無德之令四方興尸祿之譏踣形顧影月慙歲恥方今赫赫大國髦彥如林采於衆才必超十倍伏願陛下鑿廻慈眷俯察愚衷念蒼生之疲授能者之位即微臣無妨賢之愧大君有任用之明得公論於縉紳盡私誠於犬馬再以前白首獲奉紫宸備一刻於周行實百生之榮耀前後陳乞煩黷聖聰懇迫之未申瞻軒輝之已近不勝悽悽之至

同前

周行先

臣某言昨遣奏事官馬元宗附臣口奏請赴朝覲馬元宗廻奉宣進止語臣云君臣之情不厭相見朕與卿心無二緣途路稍遠卿來後即不免朕憂况乍收復洛州士庶恐未安泰須卿存恤未能遂卿此志且不須作來意者皇靈特降天語密開俯伏流汗殞越無地臣某中謝臣內顧庸虛謬居藩鎮日月云邁倏然三年空荷丘山之恩未申絲髮之効瘳肝瀝膽豈盡愚誠從頂至踵皆承玄造夙夜祗惕悼心失圖誠願暫覩駕鸞之行獲倍羔鴈之列特近宸睠親奉德音則朝聞夕死臣之甚幸而軍城初復天意逢軫懇結之至尚抑懇誠今疆場無虞干戈已戢軍儲戎賦



幸有支持伏望天意許臣至冬末春初已來暫赴朝謁得  
申大馬之志庶盡葵藿之心碎首糜軀死之無恨云

代孔大夫乞

一作請

朝觀表

杜周士

臣某言臣以斗筭之資荷旄

一作旌

鉞之寄職兼千乘位

一作

職

忽十聯而節制頒條曾無可紀妨賢專祿亦一作忽

已四

年由是再陳表章備瀝哀

一作衷

懇誠在必達義無苟安伏

惟元和聖文神武法天應道皇帝陛下憂勤萬務砥礪庶

工服勞中外者有更踐之常受寄方隅者無專任之幸所

以俗用不變官稱得人坐致平治寔使均一天下幸甚天

下幸甚今輒冒犯嚴譴更陳丹悃不敢廣引遠事請以近

日

一作

言之至如揚於陵鄭細馬物等或從偏鎮陟

自周行蒞事或三年獲歸或三考

載

除替公議惟

名

願亦伸伏乞聖慈平分許循往例賜停見職擇用群才則

聖代盛審官之規微臣無去國之歎無任禱祈之至

一作皆唐類表

憲宗

崔中丞請朝觀表

臣某言臣歷刺三州運物

府外任逾紀入覲無階就日

望雲魂飛心往臣某中謝伏惟睿聖文武皇帝陛下覆載

無私遐邇同一作復昇平之治爭繼前聖之高蹤中外踐更

出入迭用原以虛薄切一作榮徒竭夙夜之心未伸朝夕

之敬天威原無一作雲漢昭回固瞻仰而何及

是以前在朝原無一作臨松漢星紀屢周微衷尚

具

具

具

具

具

具

具

具

具



隔於戴盆戴盆於戴盆其養之誠彌切大馬之戀愈  
深入欲天欲天於欲天達終莫不誣敢贖宸嚴罄  
陳丹懇伏陳丹庭厠蹈舞於群寮備班行  
之散地足趨中趨中自親自親俾成九族之榮以盡百生之  
幸非敢竊國竊國五獻之禮布康侯三接之恩一覲龍顏萬  
死為足無任懇到迫切之至謹遣某官奉表陳乞以聞

李大夫請朝覲表

敬宗

裴度

集無

臣聞天道君也高而下濟地道臣也卑而上行上下交感  
然後萬姓生焉庶政成焉其或氛鬱不通則為災沴之氣  
必在宣達使之光明太平之風實繫於此伏惟文武大聖  
皇帝皇帝洪履品彙光宅寰區翺飛跋行皆得其所况  
器識庸陋遭遇便藩始事憲宗過蒙驅策復事先帝猥加  
爵命大恩無報終懼且慙以至今日又承寵寄洎毫未効  
齒髮將衰起在山南不遠旬服宴安厚利拜受軒階此則  
為君之道下濟有餘為臣之道上行不足尸祿彌久心魂  
若驚日往月來寢成憂塞伏希降鑒特許入覲冀得少謝  
萬一使無壅情然後退歸里閭降降覽賢路雖則萬殞無恨  
可謂百生之幸况李光顏薛平皆武臣也淮海以為要重  
然猶遷迤而至迷職明庭臣儒也也梁漢無事道途孔適  
若泰然自安貪冒榮顯位為公相衆所藉名又何以表率  
四方儀刑多士臣不勝傾心延首瞻慕天衢之至



文苑英華卷第六百六

文苑英華卷第六百七

表五十五

雜上請一

請罷功臣襲封表一首

為于侍郎請向山陵表一首

請省自披讀表一首

請廢在官諸司捉錢令史表一首

請千牛不簡嫡庶表一首

為原州趙長史請為亡父度人表一首

為獨孤氏請陪昭陵合葬母表一首

為某官等請預陪告廟獻捷表一首

為汴州司馬唐授衣請預齊會表一首



爲文武百官等請造神武碑頌表一首

爲常將軍請上禮表一首

爲盧從愿請替東都留守表一首

爲群公請公除表一首

請罷功臣襲封表

長孫無忌

貞觀十一年令諸功臣世襲刺史錫之土宇以無忌爲趙州刺史封趙國公都一十四人無忌與房玄齡等上表曰臣聞質文迭變皇王之跡有殊今古相沿致理之方乃革緬維三代習俗生一作靡常爰制五等隨時作教蓋由力不

能制因而利之禮樂節文多非已出迨夫兩漢用矯前違

置守頒條蠲除曩弊爲益之大四字一作爲無益之文單及萬方不

易之禮四字一作建不易之禮有逾千載今曲爲臣等復此奄荒

其優降錫之茅杜施于子孫永貽長世斯乃大鈞播物秋

毫一作毫髮並施其生小人踰分後世必嬰其禍何者違時易

務曲樹私恩謀及庶僕一作僚義非僉允方昭史冊之誚有

紊聖道之綱此其不可一也又臣智効罕施器識庸陋或

情緣右戚遂陟台階或顧英華作顧非想披荆便蒙夜拜直當

今日一作猶忝一作愧非才重裂山河逾彰濫賞此其不可二也

又且孩童嗣職義乖師儉之方任以褰帷寧無製一作傷錦

之弊上于天憲彛典既有常科下擾生民必致餘殃於後

一挂刑網自取誅夷陛下深仁務延其世翻令勦絕誠有

可哀此其不可三也當今聖曆欽明求賢分政古稱良守



寄在共理此道之行一作非為日滋久因緣臣等忽有改張

封植兇曹失於求瘼百姓不辜一作幸將焉用之此其不可

四也在茲一舉為損實多曉夕深思憂貫心髓所以披丹

上訴指事明心不敢浮詞同於矯飾伏願天澤諒茲一作其

愚款停其渙汗之澤一作旨賜其性命之恩

一作皆舊唐書本傳

為于侍郎類表作中請尚山陵表已見五百七十一卷上官儀

請省自披讀表

褚遂良

臣遂良言伏承風氣小動正進湯藥臣荷恩光不勝愁懼

既聞御膳平和一則以喜伏惟陛下異人者神明同人者

五情夫人之生以神為主神太用則虛刑太勞則倦有此

而不生疾者非所聞也陛下昔年力平寇亂及臨寶位憂

勞萬國龍荒沙漠何所不思情切於此無時懈怠遂令陛

下鬢鬢之早白又數年已來耽翫書史每作文詠兼諸手

筆日暮繼燭運心不停又誥勅與群臣論政數百千語音

若韶夏理同蘭玉若非辛勤何以得此且以天情愛好不

能自息臣愚誠恐陛下今猶看讀夫人年踰四十筋力漸

疲篤而不休更增疹疾然君以百姓為心百姓以君為命

君體平康天下安寧陛下已讀得之者用之不可盡已知

者當世不能踰伏願節言語且無披卷每減思慮微疴

自遣天下蒼生之所幸賴不勝區區謹敢表聞伏願無

覽臣之表遣傍人讀知臣幸臣願足矣下愚之情伏深戰



請廢在官諸司捉錢令史表

前人

臣遂良言古稱君爲元首臣作股肱梁棟榱桷隨能助化所謂成海取乎細流崇山由乎積壤然則爲治之本在於擇人不正其原遂差千里周禮卿大夫之職考士德行獻之于王王拜而受之登于天府漢家以明經拜職或四科辟召必擇器任使量才命官然則市井子孫不居官吏大唐制令憲章古昔商估之人亦不居官位陛下許諸司令史捉公解本錢諸司取此色人號爲捉錢令史不簡性識寧論書藝但令身能估販家足貲財錄牒吏部便即依前取率人捉五十貫已下四十貫已上任居市肆恣其販賣每月納利四千一年九輸五萬送利不違年滿授職然則國家者嘗笑漢世賣官今開北路頗類於此在京七十餘司相率司副九人更一二載後年別即有六百餘人輸錢授職伏惟陛下治致升平任賢爲政或太學高第或諸州進士皆策同片玉經若懸河奉先聖之格言慕昔賢之廉耻拔十取五量能授官然犯禁違公輒罹刑法况乎捉錢令史主於估販志意分毫之末耳目郵肆之間輸錢於官以獲品秩荏苒年歲陛下能不使用之乎此人習與性成慣於求利苟得無恥豈蹈廉隅使居其職何向而可將來之弊宜絕本源臣每周遊民間爲國視聽京師僚庶爰及外官異口同辭咸言不便臣無容靜嘿輕敢表聞伏願更




勅朝臣遺其詳錄輒煩德覽伏深戰慄謹言此篇六百七十七卷重出

今已削去

請千牛不簡嫡庶表

前人

臣遂良言臣聞主祭祀之胤必資於嫡長擢文武之材無限於正庶故知求賢之務有異於承家前王制禮緣情斯極永嘉以來王塗不競在於河北風俗頓乖以嫡待庶而若奴妻遇妾而如婢廢情虧禮轉相因習構怨於室取笑於朝莫能自悛死而無悔降及隋代斯流遂遠獨孤后罕睢鳩之德同乳鷄之晨普禁庶子不得入侍自始及末怨曠未弭聖朝御曆深革前弊人以此才進不論嫡正自茲二紀多士如林今者簡千牛舍人方為此制臣竊思審於經未安何者母以子貴子不緣母也今以母非正室便言子無貴仕則趙衰孕於越婢晉阮孚字遙集其母即胡姬產於胡姬田文枚臯皆妾子也文則播美於強齊臯則有聲於隆漢未聞前載有所間然此類甚多備存史冊不敢煩引輕黷宸嚴今反棄古實從近事以如忌之政施明教之日非徒英雋交屈固亦兢端斯始王者設教務慎其源源流一開為弊必甚儻側室之子負才而不用君棄之於上家輕之於下忠孝不展友愛無施如此等人豈不怨憤雖隔千牛之選仍許三衛之宮色類乃復稍殊捍禦至竟無別若惟才是用人自甘心一彼一此異端斯起至於昨來檢括麤人公孫武遠及崔仁師等兒多是嫡子故知善惡由乎積





習邪正寧限嫡庶必然之理不言可明伏願更量可否還  
遵昔制不使側室之胤有高才而被屈正妻之子雖至愚  
而獲用則嫡庶於此分鑿諍訟無因發矣前選已了不可  
更追乃今補闕猶得詳審臣蒙恩獎擢廁近司事有未安  
豈敢自默謹以表奏伏增惶悚

爲原州趙長史請爲亡父度人表 王勃

臣某言臣聞奉忠履義帝業所資昭德報功王風是切臣  
亡父故臣使持節都督豐州諸軍事豐州刺史上柱國南  
康郡王士達往因隨季預奉皇初于時元洛未清雙嶠尚  
梗江淮海岳王公數十亡父身羈僞鄭寵極戎庭掃千載  
之風雲擁三河之士馬情思奉順義不圖生綿越寇塲密  
歸誠款登太行而耀甲則建德離心出函谷而揚麾則王

充破膽天書屢降手勅仍存洎乎九服又安四方無事謀  
臣出鎮猛將臨邊西窮赤水之源東究青丘之境橫戈北  
塞盡沙漠之風塵授越南荒被犂犂之矢石義形夷險迹  
遍疆場分闡淹榮懸車遂禮雖死於牖下實懷天子之恩  
力盡方隅無愧忠臣之節今者歸藏有日先遠戒期陛下  
德被遊魂惠流枯骨高班厚祿已極於生前列鼓鳴簫復  
光於身后誠非毀滅所能投報但臣霜露之感瞻彼岸而  
神銷鳥鳥之誠俯寒泉而思咽希開淨福庶補窮筴伏惟  
陛下恢不次之恩錄無涯之請使獲從朝例賜許度人濟  
魂一作沉識於昏塗拯亡靈於燬宅則陛下乾坤之施旣不



隔於幽明微臣螻蟻之心豈忘情於家國是所圖也非敢望也輕黷冕旒若墜水谷

為獨孤氏請陪昭陵合葬母表 李嶠

妾獨孤氏言妾早罹艱罰終鮮急難門構傾頽宗緒斷絕零丁在疚微眇何依賴母氏劬勞顧存鞠撫漸離庭瘵以至成立犬馬含識烏烏有情空懷返哺豈曰能養枯鮮何幾隙駟不追擗地扣心仰天泣血應門之五尺之嗣當室無三年之主衣衾之舉誰則始終奠酌所存實寄惓眇念日月斯邁龜策告期將安窀穸或從遷祔妾亡祖唐右衛大將軍溧陽縣公彥雲迹參締構功勒鼎彝亡父唐某州折衝都尉襲溧陽縣公臣某寵懋戎行嗣守藩服咸得託某喬岳階瘞毅林杜氏階前雖云非古齊君牖下義彰昔儻冢返魂舊塋合骨先壟則存歿榮幸幽明感戴妾百罹兼至六極備嘗雖送往歸終無資石槨之厚而傾家破產不瞻塗車之費先臣首茅舊封食菜遺業頒諸同族散在別房相彼誓河事憑先德永言書社宜奉太宗伏望哀此孤微惠以絲紼廻一歲之邑入助千齡之宅兆豈惟裒多益寡有叶典經固亦勸義篤親實允觀聽妾生輕茨蘆地接葭草承夏禹之致孝屬唐堯之敦叙荒情謬欵輕敢上祈天造曲成儻蒙哀遂無任窮懇之至謹詣朝堂奉表以聞穢黷冕旒伏增戰越

為某官等請預陪告廟獻捷表 前人



臣某等言臣某沐道昌期承榮休曆或叨恩獎擢謬隨州  
縣之班或收拙罷歸行戢丘園之影徒懷闕庭之感終絕  
雲霄之望不謂幽誠上達卑聽下臨太陽之暉遠鑒於傾  
靡油雲之澤俯潤於織荆俱延鶴板之恩遂忝龍闈之召  
雖秦君入夢斲喜登天晉士披心長祈捧日豈足方其榮  
幸凡此歡泰今三軍凱入邊境廓清五室恭禋靈祗配享  
介胄承策勲之禮衣冠陪執豆之儀萬辟同趨百蠻在列  
有識搖心而竊抃含靈靡背而延頸臣等鞠躬天闕待命  
帝閣馳心目於九霄憚門庭於萬里企悚之志徘徊罔極  
伏望俯垂矜察曲賜參陪使得接影踏踏克鳥獸之前列  
隨肩濟濟望夔龍之後塵則夕死朝聞有欣於服道于  
一遇無憚於灰骨不任延佇企悚之至

爲汴州司馬唐授衣請預齋會表 前人

臣某言臣母氏齒髮旣衰風氣彌積寢興乖豫定省不安  
陛下降視萬方俯矜一物哀老母虛羸之疾慙愚臣煎迫  
之私弘以不匱之思布以非常之澤使得暫辭藩岳別梁  
郡之檐帷旋赴京都求越人之碣石自班輿首路潘宅來  
歸承厚蔭於四天接歡言於九族雖名一作醫上藥研秘  
術而未嘗而佩德感恩覺沉疴之半愈屬千齡啓旦十號  
登樞演金石之微言呈玉毫之寶相三千國土俱傳貝葉  
之文億萬天人並入蓮花之會臣六特空念五起未寧思  
酬顧復之恩願假招提之福儻獲書名擅供厠影法筵整



歸依迴向之心受清淨菩提之果實望三身覆育開梵帝  
之仙坊十善護持發誓王之秘藏未離災厄長登福壽上  
以祈龍象之深惠下以申鳥鳥之懇誠豈唯區區闔門獨  
荷於仁覆故亦悠悠法界末覃於孝理不量淺薄敢輕上  
祈塵黷威嚴伏增戰越臣某誠惶誠恐頓首頓首

為文武百僚等請造神武頌碑表 中宗 宋之問

臣某等聞行至公者莫先於發揮茂實垂不朽者不若於  
刊紀洪名伏惟應天神聖皇帝陛下 一德披圖五精乘運  
先天地而利用依鬼神以制法無思不服有感必通日者  
變起心膺禍生肘腋弄兵指闕敢忘下濟之恩犯門斬關  
遂激上靈之憤陛下近幸玄武傍顧紫微鳳翔而梟

圖龍見而鯨鯢就戮順天翊聖皇后配乾積德從帝居

佐莫大之英猷參非常之妙略統紆寶思式頌玄猷椒掖  
之文久垂河漢甘泉之石已入京都伏惟陛下卑奉聖躬  
游神器借其國用念彼人艱有命且停含靈失望臣等  
容光壽域竊位明朝不蚕而衣無裨塵露不耕而食有負  
靈祇陛下寢有道之豐碑臣等享無功之厚載 一作亭育  
雖廣何所自容且天惠不可以闕書神功不可以久寂臣  
等請各減所俸以勒殊休庶同子來成之匪日無任光開  
一作 垂裕之至

為肅將軍請上禮表

崔融

此篇當在六一三卷上禮門今已移入姑存其目



為盧從愿請替東都留守表

臣某言臣才輕位重効淺恩深鸞駕西巡猥忝居守違離  
罕畢進退門闌感戀惟深負乘是懼臣某中謝臣初辭之  
日伏奉德音限以周年許遵舊例推延在再星歲再環夕  
惕屏營日月以冀葵藿傾葉豈望廻光犬馬有心常懷戀  
主顧循卑鄙未敢上聞伏承今孟冬有事陵廟慶章覃於  
四海國禮盛於百王伏念漢臣彌嗟留滯預逢舜后願侍  
宗裡瞻望之情倍百恒品且三川朝市四塞關河論都抗  
於西賓作鎮雄於東夏倉儲猶在邦政孔殷臣亦何人久  
新重任不勝控款兢惶之云土謹奉表附驛以聞伏乞俯矜  
臧請更擇親賢不棄草茅之微終奉綸綍之委

為群臣請公

蘇頲

此篇當在五百七十一卷遷祔門今已移入姑存其  
目



文苑英華卷第六百八

表五十六

雜上請二

將加神龍尊號群官請公除表一首

為崔冀公請赴山陵表一首

為宰相請不停千秋節宴會表一首

請入湯表一首

代郭令公請雪裴僕射表一首

為衛尉許卿請畱男表一首

為人請合符表一首

為崔僕射請第寬當元載累表一首

為郭令公請授四節度大使及五府大都督表一首



安西請衣賜表一首

請置兩省官表一首

為趙侍郎乞歸河中侍兄表一首

為王相公請改六書表一首

為河東副元帥馬司徒請刻御製箴銘碑表一首

為中書門下請追尊號表一首

中書省請冊皇后表一首

史館王相公請冊淑妃何氏為皇后表一首

將加神龍尊號群官請公除表 蘇頌

此篇當在五百七十一卷廷柑門今已移入姑存

目

為崔冀公請赴山陵表 已見五百七十一卷 于公異

為宰相請不停千秋節宴會表 玄宗 孫逖

臣等伏見太常卿常縉奏稱京兆韓朝宗而承進止云若  
更不雨即停作千秋節者臣等伏以千秋令節萬壽良辰  
上以答皇天啓聖之休下以展蒼生務農之望禮白帝賽  
田神著在典式久通誠感陛下以經旬不雨憂人軫念有  
阻群情將停盛德 疑 勤恤之旨被物以深而祈報之歡於  
義難間况近城郊旬雖以憇陽自餘郡縣頻霑霑澤今自  
東京起居使魏方進至臣等親問方進云自陝以東數日  
一雨秋稼滋茂特異常年此則萬庾可期三農無害近郊  
之內雖未霑霑率土之濱已知豐衍太平令典豈可闕如



又數年以來此禮頗廢臣子之地獻壽無因朝野之情多  
歡莫展特希天鑒俯暢人心

請入湯表

常袞

臣袞言臣先患腰膝比成積疾自從趨侍漸覺痊除每屬  
陰寒即微發動近加秋冷轉不支持半身風痺右足拘急  
謂其冷甚因以熱攻遂覺頭旋兼之眼暗寒溫相觸調息  
實難伏蒙聖慈特賜醫藥殊造至深灰粉訓恩未申萬一  
生成之功雖則頓瘳積久之癥固難速効沉綿增劇憂懼  
失圖先因入湯常愈斯疾漸逼冬候今正其時伏望天恩  
許臣就湯將息駕駘蹇步冀効驅馳螻蟻微誠庶迴昭鑒  
無任懇迫之至謹奉表陳乞以聞

代郭令公請雪裴僕射表

代宗

邵說

大曆中

臣某言臣聞忠邪不可以並立善惡不可以同群吳任宰  
詔而伍胥鳴夷楚任斬尚而屈原放逐遠惟前事孰不痛  
心伏見澧州刺史裴冕明允忠肅道高德厚匪躬無怠有  
審諤之風首佐先帝驅馳靈武贊雲霄之業成社稷之勲  
程元振忌其直道方遂加誣構謫荒裔天下稱冤空  
懷醜正之悲莫雪盜憎之耻今姦邪屏退聖政文明百度  
惟貞四門已穆而寰海之內元元之人莫不延首德音思  
聞至化伏願特令追冕列在朝廷俾之台座端揆庶僚平  
章百姓處訐謨之任當燮理之權必能叶和萬邦致君堯  
舜臣位兼將相職忝股肱竊思賢傑共熙帝載無任懇迫



之至

為衛尉許卿請留男表

于邵

臣某言臣男某官某頃年二十一二因外人招誘性乏天和臣又拙訓遂交遊非類妄用錢物臣恐滋蔓累及家私臣某年任寧州刺史表請積西効力離鄉別親庶其思過臣遽流竄北屬艱難遐荒萬里分為阻絕近節度使差奏軍事會臣待罪輦轂重與相見至京以來臣竊窺察誘其由衷似辦君親近於觀志屢申懇倒願留晨昏夫物感人情况茲天屬苟及於此惕然關心臣今齒髮衰暮唯生此子倘其改行家有所傳九原之下可以塞責臣昨詢問積西職掌殊非要重伏乞聖慈廻鑒許為父子如初便留効節東軍與叔冀逐急征討盡其武用或樹功勳玉事不殊殘寇又切臣得地近時復知聞縱其不賢猶可備老臣之幸至微至賤輕黷宸嚴覲冒之求戰越無地

為人請合柩表

前人

臣某言臣固不肖寵由父任累荷朝獎非臣本才永惟茲仕之初濫觴有地感舊恩愛竊係于心故開府儀同三司無太常卿李承光頃充河西兵馬使天寶年中錄臣帳下自茲效用得列戎班出入五涼勤一紀風雨寒暑未嘗廢離俄屬幽燕作逆伊洛陷沒蒲潼不關天地交閉承光臨計自失倉卒西還亦既通表華陽奉牋靈武枕干待命俟期而往曾未信宿先朝賜書敦叙兄弟如家人禮當是



時也臣親見之開緘涕流是日復發及至行在特加天下  
兵馬副元帥改名匡國扈蹕彭原別承諾吉因此伏法當  
瘞朔陸身雖受刑家免拏戮遽蒙昭雪發使宣恩特令安  
存葬日官給今長男願見克鎮西副將次子諤又知軍懷  
兵馬女婿周鼎分閩河西咸受綠車之榮並爲白馬之將  
聖朝寵寄洎男及女臣謂匡國雖死猶生近以孀妻告終  
願從合祔諤等銜血無由上陳將傳銘誅未正官爵且匡  
國非禁人收視之責微臣當故吏願言之時輒冒宸聰乞  
從優贈縱前封尚在詎敢追榮倘後命有加方期復魄則  
衛青有時將葬而纁布不負一言黃泉有知卅慊斯在無  
任懇款求哀之至謹請某門奉表陳乞以聞

爲崔僕射請第寬當元載累表 前人

臣寧言伏見詔命以中書侍郎元載贖貨無厭姦邪迹露  
國有明憲已寘嚴科臣第御史中丞寬頃緣長春宮事蒙  
恩克載判官今罪累所加寬亦合從譴責念其馬直懼此  
禍階每荷聖朝獎拔之私累忝中臺精選之務因逾所効  
寵貴當時上答之期分知死所臣忝骨肉之分休感是均  
夙夜震驚及側難措朝典重不爲微臣伏乞聖恩無以  
私貸伏增惶懼之至謹請某門奉表請罪以聞

爲郭令公請復舊職及天使及五府大都督表

王諫

臣某言皇太子者王之後也



家自頃以來率由舊章不違其職任以繼四方如朔方  
范陽河南德右等處皆用舊章大德并五府大都督一切  
並用皇子以宿望之臣所以制先外以威遠戎雖未全  
建舊章亦所以廣德也蓋石之義也自羯胡肆逆海內  
沸務求武將授以兵權於是大使大都督之職廢而不  
用矣近日僕固瑒彘夷之後陛下以朔方巨鎮寇逆未  
將授其使賜臣靈州大都督于安西大都護朔方節度  
使此一時之事非經久之術今妖氛電掃中外小康丕  
樞衡代天理物固合遵守舊典宣明國章豈可復竊大名  
紊亂常式此臣所以內懷冰炭俛仰增慙伏乞選之親王  
授以斯任俾臣得用長史及副大都護節度大使  
其中并諸府節度亦望準此處置四夷聞親王分鎮必當  
遠近畏威將亦絕其覷心不敢妄動又大元帥頃者並無  
親王爲之自皇太子冊在春宮遂罷斯職今但置元帥司  
馬而元帥未有其人四方將帥之臣無所稟命亦望陛下  
復授皇太子以振兵威此國家要務也臣前月已具聞奏  
陳其事猶懼陛下未察愚言不以爲念是以敢再三抵冒  
昧死上陳倘乞臣所祈天下幸甚無任懇願之至

安西請求賜表

臣奉某月日勅令臣河西棟招五千入赴磧西逐面防捍  
者臣到西安之日安西早以翻營軍令有行困不敢息鉄  
衣不解吹角便行邊庭路長去去彌遠往還三萬里辛苦



二周年朝行雪山暮宿水澗溪深路細水盛

大約一

程少亦百渡人膚皴裂道上血流蹄穿阻

才與切行路不進也

傍骨積征馬被甲塞草不肥戰士戎衣胡風盡化今邊秋

早冷赤肉迎霜臣準勅放還實恐磧途凍死伏惟矜慈育

物遠念單寒請令安西給付綿帛蓋其凍露路免疆

疑作

屍生入鉄門死將不朽

請置兩省官表

權德輿

臣德輿言臣聞堯之為君也百工允釐舜之官人也九德

咸事伏惟陛下文明御寓建用大中德厚侔於集無二儀

利澤施及集無四海中外庶政寢興求思舉一事必稽於

禮法命一官必詢其望實故朝無虛授時絕幸人厲精萬

行言思其才也又曰翹翹錯薪言割其楚言選於衆也蓋

在旌別能否循責功實以爵祿為砥礪以群才為鋒刃則

舉不失職人効其能左右掖垣首承詔命奉行詳覆各有

攸司然後下於中臺頒於海內誠至重也彌綸政事侍奉

軒墀分曹十員今則殆絕昔衛多君子晉有卿材况巍巍

聖朝淳化所被濟濟多士豈謝古人要重之司曠闕既久

則事有所壅吏得為非亦慮四方聞知謂朝廷之士事關

理道豈止官常臣以凡庸過蒙慈渥塵汗清近集作越

等倫前後對敷備承獎飾德音顧問魂爽震驚而朴訥尋

微不能自達又去四月三日面奉進止令臣有所見即條



疏奏來者輒以愚管手疏上陳集作聞干續宸嚴伏待罪責  
無任兢懼殞越之至謹奉表以聞

為趙侍郎乞歸河中侍兄表

臣某言臣私門積釁幼集荼蓼賴諸兄訓育得漸有成比  
登官序各限中外聚居則少離別則多類表作為別居多兄薰頃

任河中少尹先因風痺成疾手足不理于今累年中間迎

到上都類表京臣自躬親方藥兄以粉榆松檟盡在河東懷

土之心暫來輒去近從數月頗益沉綿形貌支離言詞蹇

澁甥姪數輩年盡兒童雖在左右未能侍類表養欲重迎

至此在兄則羸瘵難堪將馳往近關顧臣為官守所繫魂

銷氣索志往形留百憂攢心動失次第伏以聖慈涵育至

得數歲侍兄必冀沉痾有間然後星言匍匐稽首闕庭臣

之至願於斯萬足無任懇願迫切之至

為王相公請改六書表

武后

臣某言臣聞兩儀定位法象必在於區分百物正名稱謂

不可以相奪然則當至公之運勿用於權處大朴之辰且

循其本臣竊見周官保氏教國子六書一曰指事二曰象

形三曰諧聲四曰會意五曰轉注六曰假借夫假借者謂

本無其字假用音者也昔伏羲氏仰觀法於天俯觀法於

地爰造書契是生文籍夫書者著也篆者傳也所以昭著

誓言傳之不朽推意結字斷天下之疑垂明示象紀天下



之德安可穿鑿音韻假濫言詞者哉自史籍有亡李斯儻  
脫古文有數物類難周雖魯恭王壞孔子之宅河內女子  
毀老聃之家而屋壁之餘門庭蓋敬使所無獨訛於正  
始之間汲冢所開散落於太原之際由是後儒晚學苦音  
訓之繁著生故老嗟異同之雜下蕪案牘旁泊質劑聽受  
施行莫能見曉規摹典憲於何取則不有釐改孰導群疑  
當今受神冊鑄寶鼎封禪之隆固將九皇比德文章之盛  
豈直三代同風百官以理萬人以察臣此一作伏見御筆  
前後所製新字等神功開合天地盤旋於筆端玄造運行  
日月相望於紙上王牒石記無以校其幽深河圖洛書不  
能方其麗則臣幸承皇訓親沐聖猷窺東國一札之文案  
西京七言之詠聖德之陳雅樂雖未澄心劉儻一作之學  
史書頗聾遊目輒欲循環書音鑿竭蒙情凡所借音並加  
新字將令分有一定無汨於源流理或萬殊各隨其事業  
以此化俗佇微益於毫釐以此教人儻不虧於影響伏乞  
上玄卑聽至道曲成矜此庸愚霽然聽許臣即望以類撰  
綴隨了進呈輕觸冕旒不勝惶惕之至

為河東副元帥馬司徒請刻御製箴銘碑表

德宗

臣燧言臣前竊睹御製賜靈鹽節度使杜希全君臣箴一  
篇輒請刻石於太原興王之都與玄宗所製起義堂頌碑  
並列垂訓後代光示萬邦伏奉批表及賜臣等手詔俯蒙  
允許仍賜臣一本又賜臣御製宸宸台衡銘二首并叙精



義微言深于義文之旨明訓大誠叶于舜禹之暮涵類表作函

周詩而軼商頌準天地而懸日月五彩彰施而溢目八音

均調以動心至於上下咸和君臣交儆僻邪無自而入猜

害不萌於中鬱堙底伏之氣宣強悍類表作儉巧讒諛之說氓

援申甫以作誠紹唐虞而追蹤誠文教之極而至治唐諱之

本也臣餘生陋質材朽功微陛下獎勵過深寵錫逾厚使

得獲睹殊觀接聞至音日以勲賢稱其威武跪捧震駭顧

循悚忤實願周旋奉戴內以為子孫藏恢演昭宣外以垂

金石刻今者琢磨已就刊勒方施至於類表作其次序篇章論

載年月未敢即定謹令圖畫進上仍請於碑首正面刻表類

作御製箴銘四字其下刻年號月日字建箴銘二首并

序其碑首陰面伏請準起義堂頌碑例刻年號月日字建

其下刻臣所上表疏伏蒙批表勅語及所賜臣手詔庶使

後之觀者尋其并連究其本末以知盛德之事懿鑠丕顯

游揚無極臣之所願也不勝忻懼惓懇之至謹遣某官臣

某奉表以聞臣誠懼誠喜頓首頓首謹言

為中書門下請追尊號表 宣宗 杜牧

臣某等言伏以收復河湟廓開土宇北絕梓嶺西過榆溪

壯中夏起塞之雄奪西戎理弓之地至使強虜不敢觸鋒

山鎖七關地闢千里歌裡首而息射詠杖杜以勞旋聖德

神功超今越古某月日臣某等於延英殿面奉德音陛下

以克定舊疆獲成先志歸功祖考追尊鴻名臣等伏念國



家之為理也溢三皇之軌躅奮百代之上下天寶之末天

下大集作寧恃富貴集作而醉飽非集作虞誥干戈而兇

逆僭作大曆貞元之際河北河南之地朝廷行姑息之政

鄰國皆叛亂之臣苟且之令行畫一之法廢日增月長雄

昌雌和李錡宗子劉闢書生東據石頭西斷劔閣朝廷所

看唯止西京伏惟憲宗皇帝順上帝之心酌列聖之法爵

不踰德集作舉不失賢親端莊之正人去側媚之邪士集

親莊正之人然後提挈綱紀震疊雷霆誅夷群兇洒掃四

海百度如律九功可歌天堯示益張聖統無極詩曰惠我無

疆子孫保之復曰周雖舊邦其命維新伏惟元和之初集

功實開中興之業伏惟聖敬文思和武光孝皇帝陛下修

先主之大道行天下之達德廣問延諫褒直盡下首集

獄常對法官是集作虞舜卹刑文王慎罰無以過也開張

聰明延納諫諍守職業者無職不舉被言責者無事不言

皆獲甄昇豈惟假借夫仲尼以三人有我師大禹以愚夫

能勝予是仲尼之好問大禹之拜言無以過也是以百姓

手足皆安於錯置四海風俗益臻於和平尚猶子集作夜

觀書日昃聽政下採人病上求天端帝典曰聖敬日躋湯

銘曰日日新是誠集無陛下之德有以方之集作仲尼曰

禹立三年百姓以仁遂仰陛下之至理知孔聖之可驗矣

西戎強盛自古無之包有引弓之人盡臣集作跨馬之國

天下獻力備邊不克四海輸賦養兵不足廣川薦草盡為



所有健兵倖馬不可當峰雖李廣材能充國沉勇但能閉

壁集作豈敢交綏伏惟聖敬文思和武光孝皇帝陛下畜

養集作於雲集作漢之表畫聖謀於造化之先捕虜將軍射

聲校尉羽林突陣之騎酒泉校尉集作射之兵親自指蹤同

時受命信星効祉靈旗呈祥壁疊言言而洞開渠魁累疊

以集作自縛解辦削衽投戈委弓懾怛威靈懽呼冠帶破

種徙域空漠淨邊指北海而封燕然中西域而立幕府鄭

吉之理烏壘班超之鎮他乾大庇生人一寬天下昔漢武

帝之逐北虜四海耗半穀高宗之代鬼方三年乃克尚書

班史稱德詠功今陛下用仁義為干戈以恩信為疆場所

聚必至有開必先不遺一矢不頓一刃洗八聖迴首集作

之集作百年亡地之羞小雅盡興大業無極為而不有

功先帝禮曰天子有善上讓于天仲尼曰武王周公其遠

孝乎蓋以善於繼述能光祖考今者陛下謙讓之道符於

禮經繼述之孝稱於孔聖臣等待罪宰相日親昇平謹具

太常追尊順宗皇帝憲宗皇帝謚號如前伏候集作勅旨

尚書易高宗代鬼方今云尚書得非通稱上古或逸書乎

中書省請冊皇后表 錢珣

臣某等言伏聞禮云男正位于外女正位于內乃欲承天

休正人紀事宗廟奉蒸嘗是以詩有關雎貫三百篇之首

廟以佐天下而正夫婦乃政之所由興也伏以聖唐積仁

累德列聖重光莫不師古以訓人弘禮以敦本遂得九垓



從化萬國用康曩者彝倫稍憊王道微缺使龍樓曠主鬯之位翟衣闕助祭之規則外和而國安內和而家理安得而致也必將有以待之伏惟陛下續列聖之洪業恢百王之令圖爰建東宮再振墜典凡居寰海莫不忻歡百辟庶臣所懷尚憚盖以中壺之位未立六宮之政未崇臣案天極四星一爲正妃上天垂象不可虐其應伏聞淑妃某氏以坤厚之性母範有融淑懿之姿光乎內理用能誕生哲嗣克當天心竊願陛下思落大猷仰弘丕訓淑妃某氏特依故事冊爲皇后使六宮之內一以遵承所爲王政之所由興而風化天下臣等位叨近密職在絲綸朝廷舊章合有論請上期聖造特賜允從輕冒宸嚴無任恐戰之至

史館王相公請冊淑妃何氏爲皇后表

前

臣某言臣聞乾坤相配所以全覆載之功日月相隨所以明照臨之道惟王建后惟后助王若乾坤相配以成功若日月相隨而行道古皇有制歷代皆然伏惟皇帝陛下法天作聖引古爲師興邦則啓於聰明爲禮必循於先哲然則中宮久曠陰教罔修伏自累朝遂同廢典四海絕仰觀之表九嬪無所統之尊誰詠國風空垂易象永惟委墜可謂因循漢氏以來舊章不易常先立后始可建儲今元良已視於東朝而柔順未臨於內職既虛正位莫叙大倫臣等每奉清光累陳彝憲竊詳睿旨俯鑒愚衷請問守龜必當告吉掖庭累行詎無白鷺之徵簡策正名宜受金螭之



錫是以敢干旒宸進拜封章伏乞申命有司擇定良日  
行盛禮自叶至公冒黷宸衷臣等無任懇迫惶恐之至

文苑英華卷第六百九

表五十七

雜上請三

爲崔大夫請入奏表二首

爲劔南西川崔僕射再請入朝表一首

爲益州父老請攝司馬卸公爲真表一首

爲益州父老請留史司馬表一首

爲益州父老請留博陵王表一首

爲公卿請復常膳表一首

中書門下請進膳表一首

災惑退舍宰相請復常膳表一首

爲宗正卿請復常膳表一首



為鳳翔李尚書請使人拜掃表一首

代河南裴尹請拜掃表一首

請河北遭旱澇州準式折免表一首

代入至渭南縣降服請罪表一首

代人奉御批不許請罪謝恩表一首

駕幸長安起居表一首

代人行在起居表一首

代張侍郎起居表一首

為崔大夫請入奏表一首

李舟

臣某言臣以久違闕庭歲請朝覲在宣州日伏奉德音且

以河南用兵許臣事平入奏尋蒙寵命移鎮浙東臣自

越州旋經歲序瞻戀宸極道路轉遙俯察微躬疾病加劇

實慮盍先朝露未謝明時昨者隨表便行冀蒙聖恩昭許

續奉進止所在令迴伏迫宸嚴不敢冒進臣防身寡智處

衆多尤但恐譴謗之聲日聞天聽浸潤之漸將迴聖慈憂

疹相并死亡無日臣管州郡幸無逋懸西河之間又已寧

靜伏願陛下察臣誠懇許臣朝謁實冀犬馬之疾歸上國

而觸除風波之言仰皇明而昭鑒無任懇迫之至

同前

前人

臣某言臣一昨初承國哀號慕罔極已陳哀懇請赴山陵

伏奉批答上遵違旨不許奔會玄宮甫閉攀扈無由未惟

舊恩實延巨痛陛下自登寶位日月重光百靈昭蘇萬物



咸覩臣限所守僻在海隅遐瞻闕庭未獲稱慶陛下湛恩  
兩施大號風行繁徃頓除窮海知化臣管內州郡幸獲安  
帖在臣使務必有常規將臨元會之期倍切朝宗之戀伏  
願許臣贊趨天闕獲覲龍顏集稟命於聖君退宣風於遐  
壤臣死生無恨榮願之至

為劔南西川崔僕射再請入朝表 于邵

臣某言去冬臣知衙事官姚悟廻伏奉手詔許臣入朝臣  
自西川一作軍還理裝撰吉與監軍使孟游仙等以今月  
五日發成都十二日至綿州羅江縣中使馬承債至又奉  
恩旨令臣與遊仙等却廻臣久辭闕庭從事邊塞思一朝

灑如天無階忽遂此行神道所感豈知中路猶阻懇誠揮  
涕懇對於三軍結戀詎同於他日臣所行意實不謀身一

欲辯折讒一作問兼欲歟陳國要有不可形之翰墨有不

可傳之外人表臣心切唯天而已將士等知臣悃欵共憂  
家國見臣不行魂氣俱喪臣以迫於所務抱恨南邊固請  
監軍使行猶期上訴雖一夫阻命而違衆實難遊仙今於  
漢州便發以從諸將之請軍中務要悉以咨之伏乞聖聰  
俯遂群議則冀上輯下睦永無外虞西南艱危再沐清晏  
豈臣獨夫之幸實克萬人之幸無任懇迫屏營之至謹附  
監軍使孟遊仙奉表陳請以聞

益州父老請攝司馬鄧公為直表 閻丘均

臣聞天工人代安危所存得其情則風化淳厚失其性則



昨庶流離臣等本部益州司馬臣某雅慮忠純貞心剛克  
通識人理博綜古言州無牧伯居攝端右靜以鎮撫物情  
功乃隱於視聽事益於國家故不可一二而言也臣又聞  
寇恂爲郡其得人心將拜汝南百姓遮道漢皇如請竟留  
一歲敢緣斯義上犯天顏伏乞陛下憫垂涕之慈惠黎民  
之願即其所守除以爲真使生人無惜去之嗟孤貧有求  
緩之賴則上下咸得中和可期伏表上祈以驚以震云云

此篇元編在五百七十八卷辭讓門今移入於此

爲益州父老請留史司馬表 前人

益州大都督府草莽臣某等若干人謹冒死言臣聞理有  
所藉頴州重觀於黃鵠惜其不可河南一借於寇恂古之  
恩迹今亦宜有臣等出身草莽茂育玄德井飲田食齒  
年衰安全家道傾疑遂天性皆賴陛下聖情恩惠及蒼  
生擇循吏以共康官賢才而俾牧者也臣州佐某官英明  
興疑氣忠志居心該舉墳典猶協文史充美價於一省著  
能聲於邦國緹由至止光輔藩維體要而庶政必凝憂勤  
而自公知退伏見今日日除節彭州刺史璽函適到熊軾  
將登吏人傳聞驚嗟相惜臣聞天地之道每從人欲帝王  
之義必順人心所以黎庶安寧上下提福今此百姓乞留  
一年庶得服習其教而易安優柔其道而自得聞闔天遠  
上祈猶難伏乞聖慈回睠殊渙中留停已出之旨復如初  
之望使祈一作折心重至驚魂還歸時雨一霑同養萬物無



在瞻望佇迴之至

益州父老請留傳陵王表

前人

臣某言 臣伏見陛下睿圖興復寶命維新救寓縣於阨危

拯蒼生於塗炭凡在戴髮孰不幸甚蜀鄉財產古稱天府

疲弊始西軍之役屢空拯疑冒賄之夫滿路吁嗟棄親亡

散維貸是視愛養誰能陛下所以惠賜藩王鎮撫梁益因

之傳一作傳利期以政成而玄晞至止纔移茲期除替旋開

臨筵不暖陛下與而奪之勾萌未達於方春濟舟忽度於

中水天下何謂亡疑此哀憐今者百姓甚性一作情於官人

會疑作留疑作玄晞 師恩 斯弊遂革美其風而不見其好

其政而不失其宜且益州者列岳之雄望玄晞者朝廷

之忠良明使是推能術尤急理以才名相副義與隨時不

乖陛下何惜一賢以遺百姓特望俯迴授受留借期年瀝

懇上陳馳情無地瞻帝閣而遐叫佇天睠而西流獲遂丹

誠戴恩瞑目無任悃欵屏營之至

為公卿請復常膳第二表

臣某等言前以戒膳日久憂損聖躬率土迴惶輕陳管見

而孝情凝邈猶未俯同誠不感天增其履薄臣聞先王垂

教以禮制情聖人無心以身從物故能上安七廟下字兆

民唐所以孝治唐莫非斯道伏惟陛下率由過禮至性光

前想終身之憂懷茹荼之酷愆子卯之制淹晦朔之期生

靈皆所不堪聖體必將勞頓貽臣子之危懼忘社稷之晏



虞緬善靡達一作緬方招兩失求諸典故兼且未安詢及  
普天孰云其可既守高祖之天下為萬國之歡心先當愛  
身以寧宗社無宜獨善用杜衆情伏願俯順禮經仰廻天  
眷則群臣荷賴庶品咸康不任懇切之至

中書門下請進膳表 類表 常衮

臣某言伏奉以華陽公主攝和稍類表垂思念所切齋宮  
親禱輟膳終朝臣等下情不遑寸刻竊以經時之疾變節  
或加分至所臨悔明異狀漸過其後旋即如初頃嘗驗之  
多亦然矣陛下以海內之衆子育寧殊豈天屬之間皇慈  
獨軫伏願忘懷澹慮常膳以時保安聖躬用慰臣下屬茲  
頌暑尤切懇誠謹奉表陳露以聞無任兢惶迫切之至

熒惑退合宰相請復常膳表 錢珣

臣某等言今月某日伏奉批詔以臣累陳列宿之間熒惑  
退舍所宜升臨正殿進復常羞而睿聽彌高群誠莫遂顧  
台星之有位君公府以不遑伏惟陛下道合秉陽事皆師  
古稟天明於垂象察時變以側身克示允恭未忘戒懼考  
乎經籍實契規摹雖退就卑宮儉惟降食方期應感合舉  
典爨然而芒角既收運行已順歷懇亦循於故實拜章敢  
惑於聰明而玄鑒未開丹心如燭鋪陳無序裨贊失圖伏  
以大配乾坤重承宗廟執禮必遺於小者推誠皆可以貫  
之則行正道以臨萬邦不在乎不居法座也布王澤而滋  
庶物不在乎不食重味也而陛下未嘗不行正道於遐邇



布王澤於細微苟行之有終弘之不已則天惟輔德心實  
彌災視棟宇而自安御且遷而何爽敢祈聖鑒必念斯言  
伏惟俯徇愚誠特允所奏干冒旒宸臣無任

為宗正卿請復常膳表

前人

臣某等言今月某日伏奉批詔以臣所請復常膳御正殿  
未賜允許者臣等恭承詔旨竊仰聖謀以為前史所垂正  
言可取則應天動人之事實哲王致理之先然臣伏思陛  
下繼體以來推誠必至友愛之道顯教萬方惻隱之心罔  
遺一物於王師致討司寇用刑率皆毒被蒸人罪與衆怒  
救殘雪之極弊懲悖亂之元兇而後効順立功報之爵祿  
勞心焦思痛在瘡痍屢降德音勤行王道得非應天以實  
而動人以行哉况謫見之後戒懼不遑朝野所知星辰所  
照則大官進御路寢燕居既舉舊章將踰期月固可以特  
開睿鑒俯徇群心理且叶於至公事兼存於大體臣某等  
謬居宗緒敢貢飾詞盡布腹心復干宸宸無任仰望兢越  
屏營之至

為鳳翔李尚書請使人拜掃表 翰栩

臣某言臣聞子之能仕父教之忠臣仕雖無聞忠冀盡力  
當陛下至理之日偶四方無事之時臣幸揚名清朝全節  
聖代於臣之分榮感多焉而罔極之心未遑省告伏以先  
臣墳墓遠在定州道路所經瞻馳靡及臣自入宿衛三十  
四年頃者師旅維寧武臣分闕臣職叨禁近事絕私情私



覆之德靡所不容而誠懼之誠實自難處空懷怵惕之感  
莫申展奠之儀令丁卯清憂疑必釋當天下交泰之際  
是人神叶吉之期臣等重藩維不合上請今遣第某官某  
專拜掃以道途所近便取北路赴定州輒披懇誠無任兢  
惶云

代河南裴尹請拜掃表

令狐楚

臣某言臣聞天地之大曲成於品物臣子之心無隱於君  
父下情上達至化旁流伏惟開元天寶聖文神武應道皇  
帝陛下睿謀作聖孝理奉天蒼生之願不違皇極之慈廣  
運不以臣微劣無取累擢大官位高尹京職重居守犬馬  
陳力未酬明主之恩霜露感懷遽有私家之請臣某中  
先臣墳墓俯在近郊頃歲以來闕伸拜掃每至寒節展  
情禮晨往暮還所職無闕又臣於墳塋立碑恐其向就建  
樹之際獲遂躬親重泉承日月之光舉宗蒙雨露之澤不  
勝同極之至

請河北遭旱澇州準式折免表 張廷珪

臣廷珪言伏見景龍二年三月十一日勅河南北桑蠶倍  
多風土異宜租庸兩別自今以後河南河北蚕熟依限即  
輸庸調秋苗若折租乃為常式者臣聞皇天無私  
覆后土無私載以陰陽無私毓是以明王聖帝  
則而像之慶德故書曰無偏無黨王道蕩  
蕩無反無側伏惟聖朝御曆皇極在人正朔所



覃率土奉若禮。效大頃於災歲重賦饑人頓革彝典特開變例維施。州之邦臣愚猶知不可况此兩道枕倚

大河南接神州通六邑郡縣維劇人物昌阜既類股肱

之地尤宜得其放心豈可殊其土風異其徭賦不恤災患

而殫其財力者即以桑蠶別加徵稅至如隴右百姓羊馬

是資山南諸州椒漆為利其或銅錫鉛錯貨自巖通蜃蛤

魚鹽財自海殖土物惟性錯貢四字一作惟錯方隅咸有滂年並

無他稅旱歲各準常規豈獨斯人外之王度且天災所降

年穀莫登在於貧弱或至殍殣生理既其難恃人心固未

易安就其憂危載空杼軸窮斯濫矣將無不至臣効官頴

服任河南每見部人衆稱冤苦伏思景龍之際時多賊臣

有若宗楚客紀慶訥武延秀常温等蔽虧日月專擅威權

各食封過河南河北屬當水旱屢致蠲除因而遂矯制命

固非先朝之本意也伏願陛下廣天成之德均子育之愛

式崇大體追復舊章許河南河北有水旱屢依貞觀末徵

故事一準令式折免則在蒼生不勝幸甚謹因所部法司

叅軍鄭玄亮奏滂損謹附表以聞

代人至渭南縣降服請罪表 韓翊

臣某言臣自出邊鄙素無才術頃因寇難累効驅馳遂荷

殊私謬膺重寄介於偏僻密邇寇讐備歷艱危得全節義

遼陽移拔趙北掃除皆仗威靈非臣力致幸逢清廓輒自

寬開麾下不虞丹中生變坐移疑作顛沛實愧無謀縱欲



粉身於何塞責陛下念臣微効未即書刑許歸朝廷俾露  
誠懇王畿日近聖問存臨雖承雨露恩深其若丘山罪重  
闕庭進對臣亦胡顏缺鉞就誅其當碎首謹於路側降服  
而囚且十年以來秉戎律者其於綏撫或有乖方不待刑  
章斃於部曲隱而不數斯輩亦多臣以負罪雖同免罹其  
禍幸全署領伏俟天誅臣之為榮死亦不朽臣無任懇款  
之至

代人奉御批不許請罪謝恩表 前人

臣某言奏事官蘇翼迴伏奉聖造答表勒臣即復章綬速  
赴闕庭捧讀震驚心魂爽越臣其中謝臣智謝統戎罪深  
負國奉期死所翻荷生成恩承主偏法為臣屈迴謝九重  
之路仰銜再造之功拜命之初不勝抃躍臣即匍匐拜謝

闕庭無任感戴云

駕幸長安起居表

武后時

富嘉謨

臣某言伏奉車駕以今月二十二日西至長安臣聞咸秦  
輿壤河洛舊區王者是宅因時順動故睿情載佇西瞻邦  
土玉輶金根天旋雲被皇輿凱入在藻知歸臣忝葭莩謬  
膺垣翰尹京靡託陪鑾遂阻紫宸漸遙丹慊空積伏惟祁  
寒在候輦路逶迤法駕就蹕聖躬多祐然後闢天陛而臨  
舊都巡卜征而考元吉者也無任悅豫之至謹遣某官奉  
表以聞

代人行在起居表

德宗時

于公異



臣某言自中使至伏奉手詔後行在所未有人至伏以巴  
梁既遠信使全稀路有豺狼時當否塞東征西怨彼雖幸  
於南巡捧日望雲臣獨瞻於北極伏惟陛下以重慎為意  
以社稷為心每於寢膳類表必盡願攝况朱明啓夏小暑  
屆時曾觀蜀漢之風小異咸類表秦之氣尚衣侍膳之分  
莫敢侵官資父事君之誠空思入面遠奉既久涕戀無從  
不任之至

同前

羊士諤

臣某言臣以菲才親奉昌運受潘隅之重任類表効犬馬  
之微誠惟君知臣特受恩獎夙興夕惕榮懼積中臣某中  
謝伏以租稅之殷江鄉為重閭井之化水旱是虞臣職在  
分憂期於富庶宣陛下雨露之惠令獲小康守朝廷刑賞  
之規敢思中立條賦歛以辦集除疾苦而均安閉閣齋心  
仰思類表玄造竊以聖慈廣被每念遐方臣忝守官合具  
聞達

代張侍郎起居表

呂溫

臣某言孟秋猶集作尚熱伏惟聖躬萬福臣以去月二十一  
日到薄安山見蕃胡尚綺里徐等同集作令盈珍等却迴  
奏事令臣取今月發赴衙帳者伏惟聖德集作柔遠皇明  
獨幽蕃情大歡酋帥知感屢奉朝旨賓禮使臣迎勞肅恭  
饋餼豐潔益知集作嚮化彌表革心臣恭備單車不勝慶  
抃嚴程方始絕域未窮白日在天瞻仰如近青蒲之地伏



矣猶餘感戀彷徨罔知攸措無任大馬屏營之至謹因中  
第五忠憲附表起居以聞

公天尚昭張亦未  
品盛

文苑英華卷第六百十

表五十八

進文章一 進文章表二卷英華所編失年代先後今正之

進象經賦表一首

聖製故司空魏徵挽歌詞表一首

為李祕書上祖集表一首

上九成宮頌表一首

上拜南郊頌表一首

進洛圖頌表一首

為朝集使絳州刺史孔禎等進大酺詩表一首

為鳳閣侍郎王方慶進書法表一首

為鳳閣侍郎王方慶進南齊臨軒圖表一首



進神鳳頌表一首

為陳御史進奉和秋景觀兢渡詩表一首

進東嶽朝覲頌表一首

進孝烏頌表一首

進喜雪詩表一首

進封西嶽賦表一首

進鷓鴣賦表一首

為陳正卿進續尚書表一首

進象經賦表 周武帝

庾信

臣某言臣伏讀聖製象經并觀象戲私心踴躍不勝抃舞  
伏以性與天道本絕尋求直以懸諸日月遂獲瞻仰九  
既莫近對河圖四轍中繩全觀王策未飛玄鶴先聞金  
之聲不上赤城獨見煙霞之氣置管而測光景愈高沉玉  
而觀淵泉益遠寢不自涯課虛為賦詞非寥亮學無雕刻  
遂敢陳述誠為原顏况復日之遠近本非童子所問天之  
渾蓋豈是書生所談冒用奏聞伏增流汗之至

聖製故司空魏徵挽歌詞表 唐太宗 褚亮

臣亮言伏見聖製故司空鄭國公挽詞十首詞窮清曲理  
備哀傷漢武北管之書更慙追遠魏文南皮之歎取愧悼  
亡與辰律而相暉隨鍾石而俱振魏徵早逢興運譽美當  
朝為聖主之賢臣預能官於多士出納通顯憑藉寵私忠  
誠所到心力同盡而逝水不追清徽未謝樹碑荒隴已切



相質之文哀歌泉路復降高堂之曲事重一時榮流千載  
臣趨侍學林竊觀睿藻不入玉山屢逢盈尺如遊珠水常  
都照車慶抃之深唯知舞誅不任下情

爲李祕書上祖集表

上官儀

臣某言臣聞漢朝中葉陳農求訪於圖書魏歷初基袁渙  
請收於篇籍遂使容臺增飾冊府載輝雅道照於前古風  
流被於末裔伏惟陛下睿德緯天神功光表截海班朔益  
地延圖垂衣視典探羣王之幽蹟虛已緣情動蕪金之歌  
詠由是芸香祕室青簡具陳璧水上庠漆書咸集臣大父  
隋金州刺史元操筮仕登朝官成三代學綜書部思洽詞  
源雖歲序寂寥微塵無再河東碎道衡人推才傑范陽思  
思道時號文宗並叶契相忘齊聲比價競炫梁車之寶事  
擒鄴騎之珍而二家文集久蒙宸照獨於臣門未汗天燭  
賂厥之訓在臣宜守獻書之典有國通規今繕寫已訖合  
若干卷謹詣闕奉進

上九成宮頌表

高宗  
王勃

臣某言臣聞帝機無朕道洽則時豈靈化不言功成則頌  
顯伏惟陛下體元纂極模神建隧疑棟梁三氣疑庭衝六  
合松軒夜警杳冥姑射之心茅殿晨疑寥廓峒山之駕臣  
霑風太上庇影華胥仰衢室而無階候襄城而有地雖望  
卑平叔空勤景福之詞而文謝子雲願竭甘泉之思謹憑  
天造輒貢九成宮頌二十四章攀紫墀而絕望叫丹闕而



累息臣誠惶誠恐死罪死罪謹言

上拜南郊頌表 高宗

前人

臣伏見摠章元年十二月四日詔既清東寇將覲南岳甫  
資元勳旋窺大典伏惟皇帝陛下黼藻神器銜策睿圖用  
天老之前機戮防風之後至為而不恃懸寶位於中宸卑  
以自居託靈符於上帝禮疑蒼璧瑞溢玄珪紫旻降祐黃  
栴叶矩微臣學不照吉才不曠時窺宇宙之神功覩郊禋  
之盛節時非苟邁懷雅頌而知歸道不虛行想謳歌而有  
志豈與夫周傳考室裁稱棟宇之規漢奏其泉未息嬉遊  
之諷比興衰於列代較馳驟於同衢而已謹憑天則輒貢  
拜南郊頌十章文不足立可意有遺美臣誠惶誠恐謹言

進洛圖頌表 武

崔融

臣某言奉某年月日勅令臣撰洛圖頌伏以陛下聖烈  
懿應期首出珍一作元符炳鑠曠代罕聞雖臯繇歌虞伯禹  
申歎其或生於今日尚不足以談天况臣涉學蓋淺揆才  
多陋安可潤色皇化對揚神休竊讀古文幽尋舊式言大  
道者莫先於典誥序以之生焉美盛德者莫近於詩什頌  
以之成焉其辭婉而微其事簡而要今臣斟酌前訓擬議  
鴻猷述洛圖頌一篇并序謹詣宣議一作義門奉進誠未能  
探索玄奧憲章經書庶幾竭肝膽効塵露增日月之末光  
階天地而不朽斯亦微臣之願足矣臣拜手稽首冒顏以  
聞死罪死罪



為朝集使絳州刺史孔禎等進太酺詩表 武后

李嶠

臣禎等言臣聞謠誦必採而風俗可觀舞詠既陳而德音不泯伏惟金輪聖神皇帝陛下金口屈道璿樞正辰慶徽號於法宮撫懷生於淨國玄猷再闡紫極重光天地合德而同休黎氓改視而易聽萬方欣戴百寮抃舞臣等備列下藩預承大慶三年入計行趨玉帛之禮五日賜酺即奏雲天之宴觀光靈之赫奕接恩祝之綢繆酬報何階空誓心而銘骨嗟嘆不足遂抽毫而投簡非効狂而貢斐實有感而求音同盍各於二三冀揄揚於萬一并題序引式光鴻造雖戴天辯日誠不窺於兩童而講德陳詩庶無慙於四言不量疎野輕敢薦聞繕寫畢功進上如別繫轅之陞輒造響於雲門花草之微遂馳光於日谷旋顧庸鄙追增悚汗臣禎等無任

為鳳閣侍郎王方慶進書法表 武后 前人

臣某言奉墨勅令臣家所有書法並將進來但臣家書法屬隋季亂離並多墜失臣十代再從伯祖羲之書先有四十餘紙貞觀十二年太宗文武皇帝購求遺迹臣亡父先臣私直並將奉進一不敢留今之所存唯有一卷并臣十代祖導已下書一秩十卷謹隨狀進上但臣弓冶不嗣堂構缺然雖奉納楹多逢壞璧亡失之外所餘無幾私珍緹襲方遺子孫不謂兩曜迴光九霄俯聽曲延採拾遂登



流宸使千載遺寶重增於光價九泉深隧更奉於恩渥寵  
被私門榮霑異代懷恩慕遠感佩兼深臣方慶誠惶誠恐  
頓首頓首死罪死罪謹言

爲鳳閣侍郎王方慶進南齊臨軒圖表

臣某言臣家有齊帝臨軒圖是南齊袁倩下手所畫私門  
傳寶以爲妙絕伏惟聖情兼尚睿鑒旁周稽古軼於虞聰  
幽求過於魏覽萬機多暇百代可知或厭遊娛儻存觀省  
臣暮年多幸得奉休明竊謂珍竒無容隱默近從京宅取  
到不獲早以上聞今謹詣闕隨狀奉進輕塵旒宸伏用懸  
惶屏營之至

進神鳳頌表 武后

陳子昂

臣子昂言臣聞昔周道昌而頌聲作遂能昭配天地光烈  
祖宗垂之無窮末爲代典伏惟聖神皇帝陛下闡玄極昇  
紫圖光有唐基以啓周室不改舊物天下惟新皇王已來  
未嘗覩也臣聞仲尼曰聖人丘不得而見之矣又曰舜禹  
之有天下丘不預也又曰鳳鳥不至河不出圖丘已矣夫  
皆傷不得見大道之行而鬱悒也臣草鄙愚陋生長休明  
親逢聖人又覩昌運舜禹之政河洛之圖悉皆目見幸亦  
多矣今者鳳鳥來赤雀至慶雲見休氣昇大周受命之珍  
符也不稽元命探祕文採風謠揮象物紀天人之會以協  
頌聲則臣下之過也有國彛典其可闕乎臣不揣固 集作  
陋輒獻神鳳頌四章以言大周受命之事誠未足以潤色



鴻業揄揚盛美亦小臣區區丹懷文粹之至謹詣洛城南

奉進塵冒冕旒伏表慙惶云天授元年

為陳御史進奉和秋景觀競渡詩表武后前人

臣某言臣伏見去月日御製秋景務餘聊觀競渡故陳先

作式佇來篇凡六韻天文爰降品彙咸亨金簡潛開珍圖

斯見臣聞白雲興詠漢遊汾水之詞黃竹申歌周舞瑤池

之駕然而志崇遠轍事式集作勞人故文思之化未光太

清之道猶集作闕伏惟聖母神皇陛下太虹齊聖感月含

神玄德茂於皇階文明照於天下用能提玉斗把集作璇

衡百神景從三靈叶蒼青雲出洛爰開受命之符赤甲紫

河終御興王之寶非窮神之至德者其孰能格集作與

哉既而黃屋務閑紫極時暇洞庭張樂思接軫於軒遊媯

水披圖想同叅於堯輦然而遠而勞物者未若近而安人

動而勤已者豈比靜而神泰於是徙金罍鳴玉鑾清禁林

御池殿肅波臣集作而戒事命角子為水嬉彩鷁蓮歌乍

起吳江集作之引青龍桂楫時謳越女集作之風鳥逝

蚪集作驚沸珠潭而競逐雪飛電集橫玉浦而流光信可

以娛樂性靈發揮文物皇歡允洽白日俄光於是奏薰風

於管絃詠嚴雲於林籟帝歌爰作天藻遐集作彰黼帳帷

管縹文房之綉絲祥煙集作瑞景霏翰苑之榮光信探曠

道集作於玄苞得斯文於紫極太平允矣元首康哉方欲朝

明堂之宮輯集作羣后之端尊崇顯錄集作光落聖圖封



玉嵩丘以接千年之統泥金少室攸增萬歲之規卓哉煌煌聖君之表也微臣曲學蓬戶竊位蘭臺未聞驂馬之謠非有雕龍之思鞠躬霜暑謬覩於天章逖聽鈞臺側聞於帝樂天文尊貴不遠於下臣帝寶殊集作珍崇曲宣於近貴竊以爲君唱臣和固不隔於尊卑官變商從方允諧於金石輒用齋心扣寂假翰求詞將以攀日月之末光繼螢燭之微照不勝云云

進東嶽朝覲頌表

玄宗

蘇頌

臣頌言臣學不淵唐諱博詞蓋實滯陛下過聽被恩最久喜規封岱增天帝王壯觀臣以宗伯秩禮陪清道之輿臣之幸一也又伏覩自天垂象銘岳昭訓臣已有司上載封禪

一作

光卦之烈臣之幸二也臣再三之幸萬百常情臣其中

東京奉旨竊聞刻石三頌臣草一敷聖主之玄猷次紀宰臣之鴻筆斯事至大咎繇吉甫之難也臣自料度不勝惶悚而議者謂臣光榮之至死且不朽臣所羸疾弱然言罕能述忠 愚臣極思慮罄肝膽而爲之伏希演脩德之符非敢助親文之化儻以潤色鴻業一蒙眷覽則臣之至懇萬殞知歸輕塵冕旒若寘冰谷無任區區戰灼之至

進孝烏頌表

楊譚

草莽臣譚言臣聞自昔皇王撫運提象天錫禎應以光盛業臣伏見以爲至道有孚能招異類深仁所協克順天心陛下孝理天下孩視羣動恩被羽族感通陽精雖器車馬



圖洋溢祕府而黃龍丹雀委積近郊此或為常不甚專美  
豈如孝為俯爾營巢不懼不驚以育羣子臣幸逢昌運好  
覽休祥萬古珍圖安能有此百代良史未之前聞况宿作  
蕭穆紫宸曉夕嚴警會弁星列瓜士雲屯燕雀飛梁無相  
賀之所魚龍在棟成駭目之觀唯此孝為晏然能馴明陛  
下深愛子物之慈表皇太子歸哺報恩之孝首出象景作  
瑞莫與之齊謹按符瑞圖云宗廟肅敬則鳥至昔范覽  
對蜀主言慈鳥知孝誠養之禽必有方懷而至者陛下  
聖策遠備威震遐戎略地攻城無歲不克巴蜀之外今斯  
獲醜慈鳥効杜可謂有微加以遠降日輪近巢天宇據北  
辰以永固豈南飛以遠枝自古攸傳無聞此瑞願陳不朽  
風葵藿之心無忘於捧日謹投延恩醜奉表以聞冒觸宸  
嚴伏增戰越臣譚誠恐頓首死罪謹告

進喜雪詩表

李邕

臣邕言一昨瑞雪愆期農人阻望陛下以億兆勤慮倉廩  
貽憂禋祀玄冥祈禱黑帝固能至誠應物聖德動天朔雪  
下於龍山海神朝於鳳闕是以途歌邑舞野慶朝歡荷一  
人之渥恩為四海之膏澤臣仰思揚化伏念輔時雖力減  
鴻毛而情殷鶴立無任喜躍慶賀之至謹昧死詣金闕門  
陳表貢詩一章臣邕誠惶誠恐

進封西嶽賦表

玄宗

杜甫



臣甫言臣本杜陵諸生年過四十經術淺陋進無補於明  
時退常困於衣食蓋長安一匹夫耳頃歲國家有事于集

郊廟幸得奏賦待制於集賢委學官試文章再降恩澤

仍猥以臣名實相副送隸有司參列選序然臣之本分其

棄置未疑始望不及此豈意頭白之後竟以短篇隻字遂

曾聞徹宸極一動人主是臣無負於文少集作少小多病貧窮

好學者也集作已在臣光榮雖死萬足至於仕進非所集作敢

望也日夜憂迫復未知何以上答聖慈明臣子之効况臣

常有肺氣之疾恐忽復先草露塗糞土而所懷冥冥實孤

負皇恩敢據竭憤懣領略不則作封西嶽賦一首以勸所

覲明主覽而留意焉先是御製西嶽碑文之卒章曰待子

其人富國然後徐思其事此蓋陛下之至謙也今茲人安

是也集作已今茲國富是也集作已况符瑞翕習福應交至何

翠華之脉脉乎維嶽固陛下本命以末一作承嗣業維嶽授

陛下元弼克生司空斯又不可以寢也集作已伏惟天子霽

然留意焉春將披圖視典冬乃展采錯事日尚浩闊人匪

勞止庶可試哉微臣不任區區懇禱之極謹詣延恩匭奉

表進賦以聞臣甫誠惶誠恐頓首頓首謹言

進鵬賦表已見一百二十六卷 前人

為陳正卿進續尚書表玄宗 蕭穎士

臣某言臣林莽介賤幼而強學竊聞諸大易之說曰觀乎  
天文以察時變觀乎人文以化成天下夫察乎變者立德



以貞其象成乎化者立言以贊其効故太極列三階五緯

上聖人著三墳五典於下至哉文乎天人合應名數指

之大統也今之言文字者始於太昊徵訓典者本於唐

堯振頹綱者孰若漢朝興盛業一作言者莫如聖代是則太

昊朕之軒轅章之唐堯祖之虞舜述之漢高作之光武維

之祖宗開之陛下因一作固之臣愚以為太昊至于一作於我

高祖太宗軒轅之于一作於我開元聖文神武皇帝陛下稱

廣運者四代繼成功者四君咸宜布昭春典光熙德政矣

然則伏羲創文籍黃帝立史官太古淳奧權輿林略至陶

唐氏而後大備故孔子美之曰堯之為君也煥乎其有文

章由是叙帝王之書首唐虞之典於堯則曰欽明文思

齊則曰誕敷文德文之時義大矣哉夏商已後德弗及舜

仲尼雖一作雜日其書而不為典言未能察變成化比唐虞

之際也何則夏之興也泣辜殊於政一作至理殷之興也慙

德乖於雅樂周之興也謂武微於盡善其不為帝典宜矣

陵夷僭亂以暨暴秦刻亂墳籍警聾兆廢王者之風殄矣

先王一作生人之道窮矣天之未喪斯文也故帝道復興於漢

家數百年中一作間而憲章具舉夫其推步律歷帝堯分命

之典也增脩封禪帝舜時巡之義也約三章之法以正咎

繇之刑班四時之舞以續一作續后夔之樂臣竊觀一作觀三

代之作貽範垂訓體國綏人雖載祀緜一作延長德澤深遠

皆因循轍迹故弗易其事孔子曰殷因於夏禮周因於殷



禮所損益可知也未有踵七雄交爭一作之末繼六籍焚

如之後帝典缺而更張淳風醜而載洽若夫漢氏之難者

也八字一作若且義帝之喪三軍縞服異夫湯武之放弑

其君矣諸呂之郤一作浹辰底定異夫羿浞之驟移其柩

矣中興之盛華戎率服異夫吳楚之僭竊其名矣夫如是

有漢之美固可以有虞后千載一時之運歟曹馬以還曾

何足擬四分五裂朝成暮敗其間雖晉平吳蜀隋舉梁陳

混并未幾危亡荐及法令不足以禁齊人聲名不足以垂

後裔其於帝道踈矣又况乎帝遷淮海北起胡一作戎者

邪茲又二朝之不若也臣聞乾道運行否終則泰上帝有

以輔文明之哲巨表光宅之休期必將乘喪亂之極繼聖

除之運故有周之末禮樂崩壞連橫合從俱非正朔則

氏略定而漢代以興在晉之亡寓縣崩拆南吳北虜各擅

名號則隋氏削平而聖朝以作此天意也不然何秦隋二

葉而亡也若彼唐漢一家之盛也如此於赫盛唐正百王

之闕思文陛下光五聖之嗣啓運應期之符吊人伐罪之

義制禮作樂之本郊天禋地之位萬度三登之穰河海晏

清一作河之瑞舞七旬而殊俗格歌六律而薰風至故以

騰子姒而絕景挹媯邪而高議矣又何東晉後魏梁

陳周齊之足道哉誠宜詔史官一作敷帝載炳唐虞之故

實黜遷固一作之遺制矣漢氏已略之於前皇唐復曠之

於後臣實惜焉知而不述則臣子之罪也臣誠一作愚淺



陋一無字竊不自揆敢緣聖朝稽古之道陛下文思之德耕

牧餘一作解暇輒復著書討尋載籍于茲一紀謹上今文字四

一作今謹上續尚書一部凡若干篇卷始有漢二典次我唐二

典以續夫前書堯舜之典也其餘文景明章之後魏晉宋

齊已還南訖有陳北起元魏歷周隋洎夫高氏以至聖朝

惣一十三一作二代詔策章疏頌歌符檄忠臣之正議武士

之權謀類而刊之次以年代以續夫夏商周秦魯之篇也

臣聞古者右史記事左史記言舉其大略前書之義備矣

孔聖沒而微言絕暴秦興而挾書罪雖戰國遺策檣章駁

亂於從橫漢臣著紀新體互紛一作約於表志其道末者其

文雜其才淺者其意煩豈聖人存易簡之旨畫史之

也昔文宣脩帝者之書究三王之季臣性非天縱學異人

師稟生何幸親逢帝一作聖代此皆文武聖皇之遺旨臣

曷足以知之何者臣嘗伏讀貞觀實錄昔太宗因聽政之

暇觀覽尚書謂侍臣曰朕每庶幾一作希唐虞亦欲公等齊

有稷契又曰今數百年外讀我國史豈獨窺兩漢哉臣故

知有漢之功業與我唐之化理俱可以繼夫唐虞之盛也

伏惟陛下玄德昭升至仁廣被迺二十一年正月制曰各

勵精一志一作心共興文化俾蒼生登於仁壽天下還於淳

樸愚臣緬述太宗之旨伏思一作惟陛下之詔固非一作宜取

類於三代之間也勒成帝典不亦宜乎陛下睿思雄飛宸

章間發質文一變風雅大興臣聞水之細者江海假其深



材之短者棟梁資其峻陛下必謂臣所著小有可觀賜以  
召見闕庭一垂試問臣採摭之外亦以學文縱不能光揚  
盛美猶庶乎細水短材之益則聖旨之含容大矣臣之誠  
願畢矣

一作皆文粹

